



ШЫНЫ ЗАУЫТЫНЫҢ ҚҰРЫЛЫСЫ ҚАРҚЫНДЫ

Облыс орталығындағы индустриалық аймақта салынып жатқан шыны зауытының құрылысы қазір қарқынды жүруде. Зауыт ғимаратының эскиздік жобасы өткен жылдың сәуір айында облыс әкімінің төрағалығымен болған қала құрылысы кеңесінде мақұлданған еді.



Алдымен индустриалық аймақтан аталған зауытқа арнайылап 50 гектар жер бөлінген-ді. Бұған қоса, оған бюджет есебінен негізгі инженерлік инфрақұрылымдар тартылды. Осылайша, соңғы бірнеше жылдан бері аталған аймақта өндіріске қажетті инфрақұрылымдар жасақталды. Былтыр көктемде кәсіпорынның негізгі ғимараты саналатын қойманың іргетасы қаланғанына куә болғанбыз. Сонымен, «Қызылорда қаласында қуаттылығы жылына 197 мың тонна табакша шыны шығару және өңдеу зауыты құрылысы» жобасының инвесторы болып «STEWART Engineers» атты танымал американдық компаниясы табылды. Осылайша, озық технологиялы америкалықтар біздің «Бөйтерек» Ұлттық басқару холдингі» АҚ және «Қазақстанның Инвестициялық

кормен» бірге өңірдегі ірі индустриалдық жобаны жүзеге асыруда.

Бас мердігер «Шымкентхиммонтаж» ЖШС – күрделі құрылыс салуда тәжірибесі мол компания. Бұған дейін Шымкент қаласындағы фосфор, қорғасын зауыттарын, Жаңақорған ауданында күкірт қышқылы зауытын мерзімінде бітіріп, қолданысқа берген осы серіктестік. Құрылыс жұмыстарына бас мердігерден өзге қызылордалық «Мұнай құрылыс», «Қарақұм констракшн», «Казстроймонтаж» және «НСК» серіктестіктері тартылған.

Құрылыс жұмыстарына 200-ге жуық адам мен 33 техника жұмылдырылып отыр. Жұмысшыларға бар жағдай жасалған. Дайын өнім қоймасына қажетті металлоструктура толық көлемде алынып, монтаждау жұмыстарының 77 пайызы жүргізілді, – дейді «Orda Glass Ltd» ЖШС-ның құрылыс жөніндегі директоры Б.Токаев.

Бүгінде зауыт бой көтеретін аумақ қызу құрылыс алаңына

айналған. Мұндағы 500 орындық вахталық қалашық алыстан «менмұңдалап» тұр. Маманның айтуынша, 25 вагоннан тұратын қалашықтың 18-і жұмысшыларға арналған тұрғын үй. Өзгелері кенсе, асхана және монша. Жыл белдерінде зауыт алаңына уақытша қоршау орнатылып, 25 гектар жердің беткі қабатын өсімдіктерден тазалау және тегістеу жұмыстары жүргізілген. Дайын өнім қоймасының ұзындығы 300 метр, ені 150 метрді құрайды. Қазір осы дайын өнім қоймасының іргетасын құю және гидроизоляциялау жұмыстары аяқталған. Бұған қоса, итальяндық және қытайлық бетон жасау қондырғылары орнатылды. Оның алғашқысының қуаттылығы сағатына 65 тонна текше метр бетон болса, екіншісі – 25 тонналық. Жалпы, ірітелген қаржының көлемі –11,7 млрд теңге.

Бұл зауыттың бір ерекшелігі, мұнда энергия үнемдейтін де шыны шығарылады. Бастысы, шыны өндірісіне қажетті шикізаттың басым бөлігі жергілікті жерден. Яғни, кварц құмы, доламит пен әк тасы пайдаланылады. Ал сырттан әкелінетін кальцийлендірілген сода шикізатын тауа уақытта «Аралтұз» АҚ-мен біріге отырып өңірімізде өндіру жоспарлануда.

Дәурен Е.ІҮБАЕВ,
Нұрболат НҰРЖАУБАЙ (сурет).

● МӘЖІЛІС

ЖЕРГІЛІКТІ МАЗМҰНҒА МАҢЫЗ БЕРІЛЕДІ



Геология және жер қойнауын пайдалану комитеті төрағасының орынбасары Талғат Сатиев облыстың минералды шикізат қорын дамытудың келешегі зор екенін жеткізді. Өңір ванадий қоры бойынша республикада бірінші орын, мырыш, алюминий мен мыс бойынша үшінші орын алады. Соңғы жылдары жүргізілген геологиялық барлау жұмыстарының нәтижесі өңірде уран, мұнай мен газ қорының айтарлықтай көп екенін көрсетуде. Аймақта сирек кездесетін металдар да мол. Мәселен, «Баласауыскандық» пен «Құрымсақ» ванадий қоры бойынша әлемдегі ең ірі бес кен орнының қатарына кіреді. Ал «Байжарқын» алаңы мыс, алтын және тағы да басқа қосымша құрамдас пайдалы қазбаларға бай. Сондықтан облыс болашағы бар учаскелерге, жалпы минералды шикізат кешеніне инвестиция тарту жұмыстарын белсенді жүргізуде.

Сонымен қатар, мәжілісте аймақ басшысы жергілікті мазмұнды дамыту мәселесін көтерді. Айта кетейік, өткен жылы республикада өндіру көлемі 1,5 миллион тоннаға қысқарған еді. Оның миллионға жуығы

облысқа тиесілі. Соңғы жылдың өзінде компаниялардың кейбіреуі жұмыс көлемін едәуір қысқартқан, мәселен, бұрғылау жұмыстарын – 80-90 пайызға, ұңғымаларды жөндеу бойынша 50 пайызға азайтыпты. Бұл өз кезегінде мұнай саласына сервистік қызмет етудің тынысын тарылтты.

– Өнімді өндіру көлемінің азаюы, ең алдымен, жұмысшыларға кері әсерін тигізеді. Бір жұмысшыны қысқарту жай ғана сандық көрсеткіш емес, бұл – тұрақты табыс көзінен айырылған отбасы, бұл – өтеусіз қалған несие және басқа да жайттар. Облыс тұрғындарының 29 мыңға жуығы мұнай саласында жұмыс істейді. Орта есеппен бір отбасында 5 адам барын ескерсек, 145 мың сырбайлық тұрғынның ахуалы «қара алтын» игеруші кәсіпорындардың жағдайына тікелей байланысты. Ал олардың 23 мыңға жуығы мұнай өндіретін компанияларға сервистік қызмет көрсететін салада еңбек етеді. Осыдан-ақ сервистік саланың аймақ экономикасы үшін және өңірдегі әлеуметтік тұрақтылықты сақтауда маңызы зор екенін байқауға болады, – деді облыс әкімі.

Бұған қоса, жер қойнауын пайдаланушы компаниялар жергілікті жерде сапалы қызмет көрсететін сервистік мекемелер бола тұра, басқа өңірлердің сервистік компанияларының қызметіне жиі жүгінеді екен. Мәселен, мұнай компанияларының 2015 жылы жасасқан келісімшарттарының басым бөлігі өзге облыстардың кәсіпкерлеріне тиесілі болып отыр. Тендер конкурсын ұтып алған олар өздерімен бірге жұмысшыларын алып келген жағдайлар да көп кездескен. Ал сол уақытта біздің облыстың қаншама тұрғыны жұмысқа зор болды.

Осы ретте, аймақ басшысы өңірлік кәсіпкерлер палатасына жер қойнауын пайдаланушылармен бірлесіп, тендер комиссияларының құрамына кәсіпкерлер палатасының өкілдерін қосуға тапсырма берді. Осылайша, мұнай саласына қызмет көрсететін жергілікті кәсіпкерлердің мүддесі қорғалатын болады. Жиында Қызылорда облысы кәсіпкерлер палатасы Өңірлік кеңесінің мүшесі Ғалымбек Жақсылықов осы мәселені толық тарақтатып, ұсыныстарын жеткізді.

Жиында «KAZPETROLGROUP» серіктестігі бас директоры Бақыт Тоғызбаев компанияның өзекті мәселелерін баяндады. Өз кезегінде аймақ басшысы мұнай компанияларының түйткілді мәселелерін шешуге әрдайым қолдау көрсетілетінін мәлімдеді. Бірақ оларға қойылар талап біреу – жұмыс орындарын сақтап қалу. Десек те, баламалы энергия көздері іздестіріліп жатқан қазіргі заманда мұнай компаниялары өндірісті әртараптандыру қажет. Сол арқылы қысқартылатын жұмысшыларды жұмыспен қамтамасыз етуге жол ашылады және жаңа жұмыс орындары құрылады. Сонымен бірге, өңір басшысы ел үкіметі инфрақұрылымы дамытуға қомақты қаражат бөліп жатқанын, 2016 жылы біздің облыста алпыстан аса жаңа көпқабатты үй салынып жатқанын, мұнай компаниялары жетекшілеріне құрылыс саласындағы бағдарламаларға атсалысуға шақырды.

Дәурен ОМАРОВ.

● ПРЕЗИДЕНТ

ЗАҢ ТАЛАБЫ САҚТАЛУЫ ТИІС

Елбасы республикалық бюджеттің орындалуын бақылау жөніндегі Есеп комитетінің төрағасы Қозы-Көрпеш Жаңбыршинді қабылдады.

Қ.Жаңбыршин Мемлекет басшысына Есеп комитетінің 2015 жылғы жұмысының негізгі нәтижелері, бюджет қаражатын жоспарлау мен пайдалануда үнемі кездесетін проблемалар, сондай-ақ алдағы кезеге арналған міндеттер туралы баяндады.

Қазақстан Президенті былтыр қабылданған «Мемлекеттік аудит және қаржылық бақылау туралы» заңның жүзеге асырылуын және мемлекеттік аудитке тиімді түрде көшуді қамтамасыз етуді тапсырды. Нұрсұлтан Назарбаев бұған қажетті жағдайлар жасалғанын айтты.

Сонымен қатар, Мемлекет басшысы аудиттің қаржы мәселелерін ғана емес, орган қызметінің тиімділігін барлық бағытта бағалауды да қамтуы тиістігіне назар аударды.

Қ.Жаңбыршин былтыр Есеп комитеті 303 нысанда 29 бақылау шарасы жүргізгенін мәлімдеді. Анықталған қаржылық заң бұзушылықтар құнының көлемі 2014 жылмен салыстырғанда 3 есе ұлғайып, 1,3 триллион теңге болған. Бақылау шараларының нәтижесі бойынша орны толтырылуда тиіс 128,8 миллиард теңгенің 87,2 миллиард теңгесі өтелген.

Есеп комитетінің төрағасы жүргізілген тексерулер мен бақылау-талдау шаралары қорытындысы бойынша Үкіметке және басқа да бақылау нысандарына 46 ұсыным мен 180 тапсырма жолданғанын айтты. Бұл орайда ұсынымдар мен тапсырмалардың орындалуы тиісінше 98% және 95,8% болды.

Қ.Жаңбыршин бюджеттік және басқа заңнамаларды бұзғаны үшін 75 заңды тұлға және 66 лауазымды тұлға әкімшілік жауапкершілікке, 271 лауазымды тұлға тәртіптік жауапкершілікке тартылғанын атап өтті. Құқық қорғау органдарына бақылау шараларына қатысты 40 материал берілді.

Есеп комитетінің төрағасы Астана және Алматы қалаларының, сондай-ақ облыстардың ревизиялық комиссияларының 2015 жылғы қызметінің негізгі нәтижелері туралы да баяндады.

Мемлекет басшысы кездесу қорытындысы бойынша мемлекеттік аудит және қаржылық бақылау органдары қызметін жетілдіру жөнінде бірқатар нақты тапсырма берді.

Өңірде инновацияны дамыту мақсатында Еуропалық Одақтың «Қазақстанның өңірлік дамуы» жобасымен бірлескен іс-шаралар жоспары бекітілгені белгілі. Жуырда осыған байланысты отырыс өтіп, оған облыс әкімінің орынбасары Ғалым Әміреев қатысты.

ӨҢІРДІҢ ДАМУЫ АЛДЫҢҒЫ ОРЫНДА

Биылғы жылдың бірінші қаңтарынан бастап Ұлт Жоспары «100 нақты қадамының» практикалық кезеңі басталды. Оның ішінде индустриалды-инновациялық даму көші бірқатар шешуші көрсеткіштерге қол жеткізу жоспарланған. Облыста Индустриалды картасы шеңберінде 80,2 млрд теңге құрайтын 17 жоба іске қосылды. Өткен жылы индустриалды бағдарламасы екінші бесжылдығы іске асырыла бастады. Былтыр құны 2 млрд теңгеден асатын 5 жоба жүзеге асқан болатын. Олар құрама жем шығаратын өндіріс орны, екі кірпіш зауыты, соңғы технологиямен жабдықталған үй құрылыс комбинаты және жарықтандыру құралдарын жинақтау өндірісі. Тағы бір айта кетерлігі, облыс экономикасы өңдеу өнеркәсібінің үлесі 3 есе өскен. Аймақ өңдеу өнеркәсібі бойынша республикада алдыңғы орынды еншілеп тұр. Сонымен қатар республикалық карта аясында шыны зауыты, феррокорыпта және машина жасау бұрын-соңды болмаған жобалар саналады.

Өңірімізде инновацияны дамытуды ынталандыру мақсатында Еуропалық Экономикалық Одақ жобасымен бірлесіп, 2016 жылға арналған инновацияны дамытуды ынталандыру бойынша бірлескен іс-шаралар жоспары бекітілген.

Бірлескен отырыста Еуропалық Экономикалық Одақ жобасының сарапшысы Дамир Егізбаев хабарлама жасады. Жасалған хабарлама барысында «Ғылыми-техникалық қызметтің нәтижелерін коммерциялау туралы» заң жобасы бойынша да кеңінен айтып берді. Одан әрі «Даму» кәсіпкерлікті дамыту қоры» АҚ Қызылорда аймақтық филиалының директоры Жансұлтан Матаев бизнесті дамытуға берілетін грант түрлері жайында мәлімет беріп, жүзеге асырылып жатқан жұмыстар жайын талқылады. Сонымен қатар Қорқыт Ата атындағы ҚМУ-дың ғылыми жұмыстар және халықаралық байланыстар жөніндегі проректор орынбасары Ләззат Аруова «Өңірдің инновациялық процесіне қатысушылар арасында әріптестік қарым-қатынасты нығайту» тақырыбы бойынша баяндамасын көпшілік назарына ұсынды. Шараға қатысушылар тиісті мамандарға сауалдарын қойып, оған тұшымды жауап алды.

Сара АДАЙБАЕВА.

ЖАЗАСЫН ӨТЕГЕНДЕР ЖҰМЫСПЕН ҚАМТЫЛАДЫ

Елбасымыз Нұрсұлтан Назарбаевтың тапсырмасына орай, елімізде тәртіпсіздік пен құқық бұзушылықтарға «мүлдем төбеушілік» қағидатын қалыптастырып, сондай-ақ, сотталғандар санын азайту мақсатында тиісті жұмыстар атқарылып жатыр. Сотты болғандар қатарын азайтудың басты жолы – темір тордың ар жағына барып келгендердің қоғамға бейімделуіне, жұмыспен қамтылуына жағдай жасау. Әйтпесе, көлденең кездескен кедергілер олардың қайта қылмыс жасауына апарып соғары ықпалы зор.

Сәрсенбіде облыс әкімінің орынбасары Қуанышбек Ыскаковтың төрағалығымен облыс әкімдігі жанындағы Қылмыстық жазаларды және өзге де қылмыстық-құқықтық қылпа ету шараларын орындайтын мекемелер мен органдардың қызметіне жәрдемдесу, сондай-ақ, қылмыстық жазаларын өтеген адамдарға әлеуметтік өзге де көмекті ұйымдастыру бойынша консультациялық-көмекші органның отырысы өтті.

Облыс әкімінің орынбасары кіріспе сөзінде аймақтағы қылмыстық құқық бұзушылықтың жай-күйіне тоқталды. 2015 жылдың көрсеткішіне зер салсақ, өңірде орын алған қылмыстар саны жылдағыдан артқан. Әсіресе, ауыр дене жарақатын салу, қарақшылық, алаяқтық, ұрлық, бұзақылық санатындағы қылмыстар өрші түскен. Бұл жағдай өңірдің барлық аймақтарына да қатысты болғанымен, негізгі үлес Қызылорда қаласына тиесілі болып отыр.

Облыста пробациялық бақылау есебіне алынғандардың жұмыспен қамтылу көрсеткіші көңіл қоңытпайды. Жазасын өтеп келгендер жұмыссыз ретінде тіркелгенімен, бәрі бірдей екі қолға бір күрек таба алмай жүр. Отырыста бірінші боп баяндама жасаған Қызылорда облысы бойынша қылмыстық-атқару жүйесі департаментінің басшысы Ғ.Отарбаев бұл мәселені шешу үшін сотты болғандардың белгілі бір мамандық алуына мүмкіндік беріп, шаруашылық орындарымен меморандум жасау туралы айтты.

Әрине, қандай да бір маман иесі болмай, жұмыс табу қиын. Сондықтан, түзеумен, ел қатарына қосыла деген жаңа қолдау ағдай қажет. Өткен жылы жұмыспен қамту мекемелеріне бұрын сотты болған 184 адам тіркелсе, олардың 98-і тұрақты жұмыспен қамтылған. Бұл тұрғысында Қызылорда облысының жұмыспен қамтуды үйлестіру және әлеуметтік бағдарламалар басқармасының басшысы М.Делмұханов мәлім етті. Сондай-ақ, ол сотты болғандарды ауылшаруашылық мамандықтары бойынша білім алуына жағдай жасау жұмыстары жалғасын табатынын, қазіргі таңда сауалнамаға сәйкес 507 азаматтың білім алуға тілек білдіргенін жеткізді.

Комиссия отырысында жазасын өтеп келгендердің жеке кәсіппен айналысуы үшін барынша жағдай жасалуы керектігі де сөз болды. Қазіргі таңда бизнес жобаларды қаржыландыру үшін несепші ұйымдар көмегіне жүгініп, сондай-ақ, қайтарымысыз гранттарды жеңіп алуға болады. Әрине, оған қол жеткізетіндер қатарын көбейту үшін насихат жұмыстары өз деңгейінде жүргізілуі тиіс.

Республика бойынша сотты болғандарды әлеуметтік бейімдеу орталығы Павлодар және Шымкент қаласында ғана бар. Мұндай орталық Қызылордада да қажет. Өкінішке орай, тиісті қаржысы шешілмей, жұмысын бастай алмай отыр. Қызылорда қаласы әкімінің орынбасары А.Қайруллаев қажетті сом 40 млн теңгені құрайтынын, облыстық әкімдікке тиісті ұсыныстар жолданғанын мәлімдеді. Өз кезегінде облыс әкімінің орынбасары алдағы уақытта бұл мәселені шешудің жолдары қарастырылатынын жеткізді. Сондай-ақ, ол отырыс соңында хаттамаға сәйкес күн тәртібіндегі жұмыстарды өз деңгейінде орындауына күш салуды тапсырды.

Нағымжан САУЯЕВ.

«Қазақстан Республикасындағы сайлау туралы» Қазақстан Республикасының Конституциялық заңының 104-бабы 6-тармағына сәйкес, Қызылорда облыстық сайлау комиссиясы хабарлайды:

Қызылорда облыстық мәслихатының депутаттығына кандидат болып тіркелді:

№1 «Арал» сайлау округі				
1	Нұрқожаев Асылхан	25.05.1951	Аудандық орталық аурухананың төтенше жағдайлар жөніндегі жауапты маманы	Арал қаласы
2	Сариев Болатбек	18.12.1951	Кәсіпкер	Арал қаласы
3	Жұмашев Мейрамбек Тоғысович	30.04.1978	«Тоғыс-Аралотын» ЖШС директоры	Арал қаласы
№2 «Алтықұдық» сайлау округі				
1	Каниева Галия Жаксылықовна	30.09.1967	Сексеуіл кенті емханасының акушер-гинекологы	Арал ауданы, Сексеуіл кенті
2	Текебаев Нұрлала Жандильдаевич	14.01.1967	«Қызылордатранс» АҚ атқарушы директоры	Қызылорда қаласы
3	Белер Қадірберген Бедерович	23.08.1959	«Қазақстан» ЖШС Сексеуілдегі филиалының бастығы	Арал ауданы, Сексеуіл кенті
№3 «Ауыл» сайлау округі				
1	Кулымұраев Мейрамбек Оразалиевич	30.04.1983	«Арал құрылысы» ЖШС директоры	Арал қаласы
2	Алишева Жанар Ақилжановна	21.07.1972	Аудандық балалар кітапханасының меңгерушісі	Арал қаласы
3	Оңғарбаев Имамадин	21.02.1953	«Арал» БК мемлекеттік кәсіпорнының «Қазушаруашылығы» РМК филиалының директоры	Қызылорда қаласы
№4 «Сұлутам» сайлау округі				
1	Құрманғали Құлшайбай Құрманбайұлы	10.07.1956	№94 орта мектебі директорының орынбасары	Арал ауданы Жанқожа батыр ауылы
2	Мусаев Арман Қонысбаевич	06.11.1972	Қазылы ауданы Басықара ауылы директорының орынбасары	Қазылы қаласы
3	Өтеес Минажидин	11.04.1957	«Сыр маржаны» ЖШС директоры	Қазылы ауданы Өйтеке би кенті
№5 «Абай» сайлау округі				
1	Адилбаев Талғатбек Қаражанович	21.07.1960	«Ырыс Болашақ» ЖШС директоры	Қазылы ауданы Өйтеке би кенті
2	Ермахан Дәуренбек Асылбекұлы	16.10.1959	№182 орта мектептің мұғалімі	Қазылы ауданы Басықара ауылы
3	Тілеп Ибайдулла Тілепулы	27.12.1959	«Тілеп» ЖШС директоры	Қазылы ауданы Өйтеке би кенті
№6 «Аранды» сайлау округі				
1	Ерхатов Аманбай Елеусович	26.02.1960	«Қызылорда Балық АТҚ» ЖШС директоры	Қазылы ауданы Өйтеке би кенті
№7 «Жосалы» сайлау округі				
1	Сүлейменов Серікбай Сентмұратович	14.09.1964	«Қызылорда қотамдық телерадиокомпаниясы» ЖШС монтаждаушы-бағдарламашысы	Қызылорда қаласы Тасбөгет кенті
2	Кенжеева Алтышпа	12.12.1966	№183 орта мектептің директоры	Қызылорда қаласы
3	Өбдікаримов Шакизәда	16.09.1956	«Қоғам газеті» ЖШС директоры	Қызылорда қаласы
№8 «Төретам» сайлау округі				
1	Ақжігітов Ғалымжан Амангелдиевич	25.10.1979	«Қармақшы аудандық жұмыспен қамту орталығы» КММ директоры	Қармақшы ауданы Жосалы кенті
2	Кулсекева Ұмгекен Нұруллаевна	01.11.1965	№274 орта мектептің оқытушысы	Қызылорда қаласы
3	Дәуренбаев Әнуар	26.02.1958	«Нұр Отан» партиясы Қызылорда қалалық филиалы төрағасының орынбасары	Байқоңыр қаласы
№9 «Байқоңыр» сайлау округі				
1	Бекежанов Канатбек Серікбаевич	20.03.1972	Жұмыссыз	Байқоңыр қаласы
2	Кушеров Марат Қрамысбекович	14.07.1970	«ЖҒИОПО» («ЦЭНКИ») федералдық мекемесінің қараулы	Байқоңыр қаласы
3	Үйрекөв Кенжебек Сисенұлы	20.04.1961	Байқоңыр қаласы Еуразиялық сауда орталығының директоры	Байқоңыр қаласы
№10 «Жалтаған» сайлау округі				
1	Байназарова Райкұл Мансуровна	12.09.1957	«Білім және ғылым қызметкерлері кәсіподағы» облыстық комитетінің төрайымы	Қызылорда қаласы
№12 «Теренөзек» сайлау округі				
1	Искаков Бектұрғанбек Қасымович	04.01.0966	«Қазушар» РМК «Сырдариясушар» филиалы ұжымсегінің басшысы	Теренөзек кенті
2	Палымбетова Дәстзат Ауезхановна	18.10.1960	№131 орта мектептің директоры	Теренөзек кенті
3	Есенов Расул Абуталипович	26.10.1973	«Углесбыт» ЖШС директоры	Теренөзек кенті
№14 «Қызылжарма» сайлау округі				
1	Бекжанов Нұрлан Кежекович	08.11.1959	«Арт-строй» ЖШС директоры	Қызылорда қаласы
2	Абдикадиров Канат Алибекович	09.11.1984	№3 мектеп-лицейі директорының орынбасары	Қызылорда қаласы
3	Құттықожаев Ибайдулла Дүйсебаевич	10.01.1957	Қызылорда қалалық мәслихатының хатшысы	Қызылорда қаласы
№15 «Ғарышкер» сайлау округі				
1	Есімқұлова Саяғұл Жамбуловна	14.01.1961	«Қалалық орталықтандырылған кітапханалар жүйесі» МК директоры	Қызылорда қаласы
2	Бадиев Арман Айғамжанович	14.06.1969	«Танатар құрылыс сервис» ЖШС директоры	Қызылорда қаласы
3	Алимулов Темірхан Маликович	17.09.1956	«СМН-Қызылорда» ЖШС директоры	Қызылорда қаласы
№16 «Пролетар» сайлау округі				
1	Есжанов Сейтмұрат Қажымұратович	17.06.1957	«Жастрас-сервис» ЖШС директоры	Қызылорда қаласы
2	Койишбаев Айдархан Мұсаханович	22.01.1958	«Ы.Жақаев атындағы күрші шаруашылығы ҚазҰПИ» ЖШС бас директорының орынбасары	Қызылорда қаласы
3	Жансақалов Әбдімәжит Алмағамбетович	30.07.1956	«Дәнекер» ҚК ЖШС директоры	Қызылорда қаласы
№17 «Мектеп» сайлау округі				
1	Токтамысов Әсет Мырзаханұлы	06.11.1958	«Ы.Жақаев атындағы күрші шаруашылығы ҚазҰПИ» ЖШС бас директорының орынбасары	Қызылорда қаласы
2	Абтикалықов Нұрхан Боранбекович	05.02.1979	«Ақменит» Ғуманитарлы-техникалық институты оқу бөлімінің меңгерушісі	Қызылорда қаласы
3	Бисенов Қылышбай Алдабергенович	21.07.1957	Қорқыт Ата атындағы Қызылорда мемлекеттік университетінің ректоры	Қызылорда қаласы
№18 «Батыс» сайлау округі				
1	Сағындықов Айдоос Абдуқадирович	02.05.1980	Жеке кәсіпкер	Қызылорда қаласы
2	Кенжебаев Темірхан Бердалиевич	01.12.1956	«Фирма «Темірхан» ЖШС кеңесшісі	Қызылорда қаласы
№19 «Теміржол» сайлау округі				
1	Ыбраев Әбдірахман Шүшенбайұлы	25.01.1955	«ҚТЖҰК» АҚ бас инженері	Қызылорда қаласы
2	Арысбаев Аманкелді Қонысбаевич	17.09.1959	«ҚТЖҰК» АҚ филиалының директоры	Қызылорда қаласы
№20 «Төлебаев» сайлау округі				
1	Шеримбетова Гүлнара Жусунбековна	26.06.1966	«Group-Invest» ЖШС ұйымының несие инспекторы	Қызылорда қаласы, Тасбөгет кенті
2	Алибеков Марат Қазиханович	08.08.1955	Жұмыссыз	Қызылорда қаласы
3	Шаханов Абдилла	30.01.1956	Жұмыссыз	Қызылорда қаласы
4	Махамбетов Аскар Аралбаевич	28.06.1968	«BEST Service LTD» ЖШС бас директоры	Қызылорда қаласы
№21 «Мұратбаев» сайлау округі				
1	Танірбергенова Гүлбану Құлымбетқызы	09.12.1991	«Қызылордасушар» ЕМК аға гидротехнигі	Қызылорда қаласы
2	Асанбаев Айдоос Алибекович	25.02.1991	«Қазушар» РМК филиалының аға инженер-гидротехнигі	Қызылорда қаласы
3	Маханов Бахдулет Еркінбекович	04.02.1962	«Жан-Арай» ЖШС бас директоры	Қызылорда қаласы
№22 «Амангелді» сайлау округі				
1	Ахметов Жамбыл Тұрсынбаевич	31.05.1979	Облыстық балаларды оқилту орталығының директоры	Қызылорда қаласы
2	Абдраманова Шахизат Исмаиловна	10.01.1990	КТП Облыс әкімі аппаратының «Қоғамдық келісім» КММ бас сарапшысы	Қызылорда қаласы
3	Байқадомов Наурызбай Сейтқалиевич	10.07.1967	«Нұр Отан» партиясы облыстық филиалы төрағасының бірінші орынбасары	Қызылорда қаласы
№23 «Тасбөгет» сайлау округі				
1	Ибраев Азамат Мырзамұратұлы	26.06.1987	«Байбарақ» жеке кәсіпкерлігінің басшысы	Қызылорда қаласы
2	Дүйсебаев Ахан Алпысбаевич	26.11.1972	«Құндыз и К» жеке кәсіпкерлігінің басшысы	Қызылорда қаласы
3	Нұрымбетов Жорабек Ибрагимович	10.05.1957	«Қызылордасушар» мекемесі филиалының ұжаске бастығы	Қызылорда қаласы
№ 24 «Ы.Жақаев» сайлау округі				
1	Кайбулдаев Сакен Жорабекович	28.03.1966	№205 орта мектебі директорының орынбасары	Шіелі ауданы Бестам ауылы
2	Аманкулов Мурат Абдрамонич	07.02.1972	№141 орта мектебі директорының орынбасары	Шіелі ауданы Майытөгай ауылы
3	Шайтай Тілеуберген Қудайбергенолы	25.08.1962	«ТетраКазакстан Құмқол Ресорснз» АҚ бөлім басшысы	Қызылорда қаласы
№25 «Шіелі» сайлау округі				
1	Өтегелуова Әлмира Муратовна	06.11.1971	№127 мектеп-лицейі директорының орынбасары	Шіелі кенті
2	Мыханов Ғабит Жұматаевич	01.01.1975	№46 мектеп-лицейі директорының орынбасары	Шіелі кенті
3	Қасымов Қалмыра Айдарұлы	01.04.1961	«Шіелі жарығы» ЖШС директоры	Шіелі кенті
№26 «Бексжанов» сайлау округі				
1	Таныматов Мақсат Айғаманбетұлы	13.10.1982	«Мақсат» шаруа қожалығының төрағасы	Шіелі ауданы, Иркөл а/о, Жансейіт елді мекені
2	Меңшібай Қанат Алматулы	07.06.1973	№11 инвестициялы-аграрлық колледжі кәсіподағының төрағасы	Шіелі кенті
3	Искакова Рахжан Хусановна	31.12.1957	Облыстық экономика және бюджеттік жоспарлау басқармасы бастығының орынбасары	Қызылорда қаласы
№27 «Төменарыс» сайлау округі				
1	Оразбеков Сымғұл Садықұлы	02.03.1960	«Бесарық 1» шаруа қожалығының төрағасы	Жанакорған ауданы, Бесарық ауылы
2	Данияров Бөрібай Мамедович	21.07.1963	№163 орта мектебінің шаруашылық меңгерушісі	Жанакорған кенті
3	Бекжанов Мадихан	30.06.1957	«СКЗ-У» ЖШС бас директоры	Алматы қаласы
№28 «Жанакорған» сайлау округі				
1	Егембердиев Ерлан Мейрбекович	01.10.1974	Кәсіпкер	Қызылорда қаласы
2	Құрбаналиев Аскар Жантөлекович	02.01.1971	Кәсіпкер	Алматы қаласы
3	Ыскаков Жанкелді Ойшұлы	21.06.1958	«КАМОЭ» ЖШС атқарушы директоры	Қызылорда қаласы
№29 «Түгіскен» сайлау округі				
1	Алибеков Алғашбек Жорабекович	06.01.1967	«Жанакорғансушар» РМК инженер-гидротехнигі	Жанакорған ауданы, Өзгент ауылы
2	Абдуллаев Бахытжан Аманкелдіұлы	23.09.1968	«Жанакорған шипажайы» АҚ бас директоры	Жанакорған кенті
3	Амитов Нұридін Егенбердиевич	01.01.1968	Облыстық медицина орталығы директорының орынбасары	Қызылорда қаласы

Облыстық сайлау комиссиясының «Сыр бойы» газетінің 2016 жылғы 17 ақпанындағы №24 санында жариялаған облыстық мәслихаттың депутаттығына тіркелген кандидаттар туралы хабарламасындағы тізімнен Көмірбаев Жұмабек Сейтжанович алынып тасталсын.

● БРИФИНГ

ӨҢІРДІҢ ЭКОНОМИКАЛЫҚ-ӘЛЕУМЕТТІК ДАМУЫ ҚОРЫТЫНДЫЛАНЫ

“Сыр медиа” ЖШС жанындағы коммуникациялар орталығында облыстық экономика және бюджеттік жоспарлау басқармасы басшысының міндетін атқарушы Мәлік Тұрмановтың қатысуымен брифинг өтіп, онда аймақтың 2015 жылғы әлеуметтік-экономикалық даму қорытындылары таныстырылды.



Сала басшысының айтуынша, әлемдік экономикада орын алып жатқан келенсіз жағдайларға қарамастан, өңірдің әлеуметтік-экономикалық дамуы сақталып, қоғамдық ахуал тұрақты деп бағаланады. Бюджеттен қаралған әлеуметтік төлемдер бойынша барлық міндеттемелер уақытылы орындалған.

– Жыл қорытындысымен өңдеуші өнеркәсіпте он даму қарқыны бар. Металлургия, химия және тамақ өнеркәсібінде өндіріс көлемінің артуы байқалады. Индустрияландыру картасы шеңберінде жалпы құны 2,3 млрд теңгенің бес жоба-сы жүзеге асырылып, 253 жұмыс орыны құрылды. Олан басқа аграрлық секторда елеулі өсім байқалды. Оның ішінде мал

шаруашылығы мен егін шаруашылығында даму динамикасы қамтамасыз етілген, – дейді М.Тұрманов.

Сондай-ақ, ол мұнай өндіру көлемінің 9,5 пайызға кемей салдарынан облыстың өнеркәсіп өндірісінің төмендеуі байқалып отырғандығын айтты. Ірі жобалардың аяқталуы мен мұнай компанияларының инвестиция көлемін азайтуынан құрылыс-монтаж жұмыстары мен негізгі капиталға тартылған инвестициялар көлемінің төмендеуі фактілері орын алған.

Төнге бағамының еркін айналымға кетуі салдарынан инфляция деңгейі 2015 жылдың желтоқсан айында 14,7 пайызды құраған. Оның ішінде азық-түлік тауарларының бағасы 9,9 пайызға, өзге

тауарлар бағасы 25,2 пайызға, ақылы қызметтерге 10 пайызға өскен. Десек те, мамандар азық-түлік тауарларының облыстағы бағасы орташа республикалық көрсеткіштен төмен болғанын айтады.

2015 жылға облыс бюджеті 191 млрд теңге көлемінде бекітіліп, нақтыланған бюджет 182,9 млрд теңгені құраған. Жан басына шаққандағы бюджет шығыстарына келетін болсақ, бұл көрсеткіш бойынша Қызылорда облысы республикада бесінші орында және әлеуметтік сала шығыстары бойынша бірінші орында тұрғаны белгілі болды.

Айгүр БАТТАЛОВА.



“ДАМУ” ҚОРЫ КӘСІПКЕРЛЕР ЖОБАСЫН ҚОЛДАУДА

“Сыр медиа” ЖШС жанындағы облыстық коммуникациялар орталығында “Даму” кәсіпкерлікті дамыту қоры” АҚ-ның облыстық филиалы директоры Жаисұлтан Матаев БАҚ өкілдерімен брифинг өткізді. Жиында Ж.Матаев атылаған қордың өткен жылы аймағымызда атқарған жұмыстары мен алға қойған мақсаттарына тоқталды.

құрайтын 20 субсидиялау жобасына қол қойылды. Ал екінші бағыты бойынша 6 200 млн теңгені құрайтын 63 жоба қолдау тапты. Өткен жылы кәсіпкерлердің несиелері бойынша төленген субсидияның жалпы құны 657 млн теңгені құрады.

Аймақта мемлекеттік бағдарламаның жүзеге асуы барысында өткен жылы «Қазақстан Халық Банкі» АҚ, «Сбербанк» және «Fortebank» АҚ белсенділік танытты. «Бизнестің жол картасы – 2020» бағдарламасында қаржылай емес қолдау тетіктері де қарастырылған. Облыс тұрғындарына өткен жылы 5941 рет қызмет көрсетілді. Аталған бағдарламаның облысымызда жүзеге асуы барысында 317 кәсіпкерлік субъектісімен субсидияландыру келісімшарты жасалды. Несие портфельінің көлемі 22 395 млн теңгені құрады. Оның ішінде 104 жобаға «Даму» қорының кепілдендіруі беріліп, кепілдендірілген несиені портфельінің жалпы құны 3 097 млн теңгеге жетті. Жүргізілген мониторинг нәтижесінде төленген субсидияның жалпы көлемі 2 438 млн теңгені құрап отыр.

Аталған қордан қолдау тапқан кәсіпкерлер 7180 жұмыс орын сақтап қалып, 3626 жаңа жұмыс орын ашуға мүмкіндік алды. Ж.Матаевтың айтуынша, биылғы жылы да атқарылар істердің ауқымы кең. «Даму» кәсіпкерлікті дамыту қоры» АҚ-ның облыстық филиалы үстемізіндегі жылы «Бизнестің жол картасы – 2020» бірінші бағдарламасын негізге ала отырып, кәсіпкерлер жобасының қаржыландырылуын арттырады.

Кенжетай БАЛҒАБАЙҰЛЫ.

АРАЛДА «ОНЛАЙН ОРТАЛЫҚТАРЫ» АШЫЛДЫ

Сексеуіл кенті кітапханасында БҰҰ-ның даму бағдарламасының қаржыландырылуымен толықтай ақпараттық технологиялармен жабдықталған «Онлайн орталығы» ашылды. Қазіргідей жаһандану заманында ауыл тұрғындарының әлеуметтік және экономикалық белсенділігін арттыруды мақсат тұтқан жоба көпшіліктің көңілінен шықты.

«Онлайн орталығында» ауыл тұрғындары мен кәсіпкерлер компью-

терлік сауаттылыққа дағдыланып, интернет арқылы ақсыз тренингтерден, семинарлардан деректер, кеңестер алады. Ашылу рәсіміндегі семинар-тренингте кент әкімі Мейрам Тұрымбетов, кенттік уәсәкелі полиция бөлімшесінің басшысы Е.Орманұлы, «Тілеуқұл ишан» мешітінің имамы А.Ізбасқанов, өзге де ел ағалары қатысты.

Осындай «Онлайн орталығы» Камбаш ауылдық округінде де іске қосылды. Бұл жобаға БҰҰ даму бағдарламасы қолдау көрсетіп, «Камбаш» ауылдық

кітапханалары базасында іске асырылуда. Жобаға қатысушы ауыл кітапханалары компьютер, МФУ және интернетті пайдалану мүмкіндігіне ие болады. Ашылу рәсімінде ауыл әкімі Б.Махатов, кітапхананың тұрақты оқырмандары Н.Алтайұов, А.Тәжідинов ізгі тілкертерін білдірді. Шара барысында қатысушыларға жоба туралы толық ақпарат беріліп, кітапхананың тұрақты оқырмандары әнінен шашу шашты.

Жұмабек ТАБЫНБАЕВ, Арал ауданы.

● ТАТУЛЫҚ ТУЫ

САН ҰЛТҚА САЯ БОЛҒАН ҚҰТТЫ МЕКЕН



Сонау қиын кезінде атамекендерін тастап қазақ елінен пана тапқан ұлттар бүгінде бір шаңырақ астында тату-тәтті, бірлігі мен ынтымағы жарасқан біртұтас ел ретінде ғұмыр кешіп келеді. Міне, сондай ұлттардың бірі – түріктер. Біздің ата-бабаларымыз да кең-байтақ қазақ даласына тұрақтап, мекеніне айналдырады. Оларға қазақ бауырларымыз қол ұшын беріп, бауырына басады. Сондықтан да тез сіңісіп кетеді. Менің аманым кезінде атақты діндар, емші болыпты. Қазір анамның жолын ауылда Бәдір деген інісі жалғастырып келеді. Өзім 1973 жылдан бастап ұжымшарда жүргізуші болып жұмыс істедім. 1995 жылы жеке автобус сатып алып, кәсіпкерлікпен айналыса бастадым. Күніне екі мезгіл аудан орталығы – Жосалы кентіне ауылдан адам тасымалдадым.

Отбасымызда қазақы дәстүрлі ұстанамыз. Жұбайым Нармина екеуіміз өмірге 5 бала ежелдік. Тұңғышымыз Дильфура – ауылдағы мектепте мұғалім. Ұлым Дүниядар жүргізуші, келінім Әлмира да ауылдың қызы. Ұлым мен келінім бізге 3 немере сүйгізіп отыр. Флюра қызым Қорқыт ата атындағы Қызылорда мемлекеттік университетінің физика-математика факультетінде оқыған. Қазір Түркияда. Дильярм Алматыдағы медициналық академияны оқып бітірген. Өзімен

№15 “Ғарышкер” сайлау округінен облыстық мәслихат депутаттығына кандидат БАДАШЕВ АРМАН АЙТМАХАНҰЛЫ



ӨМІРДЕРЕК

Бадашев Арман Айтмаханұлы 1969 жылы 14 маусымда Қазалы ауданының Жалантөс баһадүр ауылында дүниеге келген. №103 Қ.Пірімов атындағы орта мектепті бітіргеннен кейін Қызылорда теміржол транспорты техникумын жол шаруашылығының құрылысы және оны пайдалану мамандығы бойынша тәмамдаса, 1988-1990 жылдар аралығында Латвия астанасы Рига қаласында әскери борышын өтеген.

1990-1992 жылдары ПСМУ Қызылорда мелиорация УПТКА мекемесінде ағаш ұстасы,

1992-1994 жж. «Бек» ЖК ағаш ұстасы болып жұмыс жасаған.

1994-1998 жж. «Алауғаз» АҚ бақылаушысы,

1998-2000 жж. «Шұғыла» ЖШС бақылаушысы,

2001-2006 жж. «Айлан-Мұнай» ЖШС бақылаушысы,

2006-2010 жж. «Мелиоратор» ЖШС жабықтау бөлімінің басшысы қызметін атқарған.

2010 жылдың 22 мамырынан «Танатар-Құрылыс-Сервис» ЖШС директор қызметін атқарып келеді.

2013 жылы Қорқыт Ата атындағы Қызылорда мемлекеттік университетін сыртқы бөлімінде құрылыс мамандығы бойынша бітірді.

Отбасылы, 2 қыз, 2 ұл тәрбиелеп отыр.

САЙЛАУАЛДЫ БАҒДАРЛАМАСЫ

Құрметті сайлаушылар!

Әрбір саналы азаматтың ақыл-ойы толысып, кемеліне келген кезде ел-жұртымын аманатты арқалайын деген арманы болуы тиіс деп ойлаймын. Сондай арман мені де мазалап, №15 «Ғарышкер» сайлау округінен Сіздердің сенімдеріңізден шықсам деген таудай талаппен осы жылдың 20 наурызында өтетін облыстық мәслихат депутаттығына сайлауға түспекке бел буып отырмын.

«Мейірімділікті анадан үйрен, әділдікті данадан үйрен» демекші, мұндай шешімге келу себебім, ең бірінші отбасымыз бен еліміздің жарқын болашағы!

Әр азамат – өз заманының баласы. Мен де қазіргі егемен елімнің азаматы ретінде сіздердің заманға сай қуатты, құқық аясында тең, әділ қоғамда болашаққа сенімді өмір сүрулеріңізді қалаймын және сол үшін күресуді өзімнің парызым деп түсінемін!

Қарқынды дамып келе жатқан еліміздің болашағы жеткіншек жастарымызды тәрбиелеудің саликалы саясатын жүргізу, оларға отбасындағы, мектеп қабырғасындағы және қоғамдық орындардағы тәрбие жұмыстарының сапасын арттыруға атсалысамын. Оларды терең білім мен адал еңбек арқылы қоғамымызға, дінімізге және қазақ болмысына жат, Абай атамыз атап өткен бес жаман қылықтан

қашық болуға насихаттауды үнемі және тұрақты түрде жүргіземін. «Құдайға құрмет – елдің салты, еліне құрмет – ердің салты». Жас ұрпағымызды имандылыққа тәрбиелейтін – Дін. Осы дінді насихаттайтын мешіттерге қайырымдылық жасау тікелей міндетіміз деп білемін.

Қызылорда – қарқынды өсіп келе жатқан менің сүйікті қалам. Сондықтан қаламыздың әр тұрғыны осы қалада қолайлы тіршілік етіп, қаланы өз үйіңді сезінетін халге жеткізу үшін ең алдымен тұрғын үй-шаруашылық кешенімен байланысты жолы, электр жүйесі мен жол жағдайларын жақсарту, қала ішіндегі көлік қатынасы мен көшелерді көгалдандыру сияқты маңызды мәселелерді құзырлы органдардың назарына ұсына отырып, онтайлы шешуді талап ету азаматтық борышым деп санаймын.

Сайлау округіне қарасты өңірдің бірнеше жыл бойы шешілмей келе жатқан өзекті мәселесі – жол жөндеу жұмыстарын құзыретті орындармен бірге шешуге атсалысамын.

Азамат жолы – ар жолы. Осы сайлауалды бағдарламада аталған уәдelerімді аймақ мүдесіне сай шешуге өзімнің өмірлік тәжірибемді пайдаланып, үлкен жауапкершілікпен орындау үшін қызмет атқаруға дайынмын.

№15 “Ғарышкер” сайлау округінен облыстық мәслихат депутаттығына кандидат ЕСІМҚҰЛОВА САЯГҰЛ ЖАМБЫЛҚЫЗЫ



ӨМІРДЕРЕК

Есімқұлова Саягүл Жамбылқызы 1961 жылдың 14 қаңтарында Жалағаш ауданының Аққұм ауылында туған.

1968-1976 жылдары №38 орта мектепте, 1976-1978 жылдары Алматы қаласындағы Республикалық физика-математика мектебінде білім алған. 1978-1983 жылдар аралығында С.М.Киров атындағы Қазақ мемлекеттік университетінде оқып, математика пәнінің мұғалімі мамандығы бойынша бітірген.

2002 жылы Алматы экономика және статистика институтын экономист мамандығы бойынша сырттай бітірген.

1983 жылы еңбек жолын Қызылорда қалалық комсомол комитетінде статистик қызметінен бастап, 1984-1991 жылдар аралығында өспек секторындағы менеджерісі болса, 1992-2001 жылдары Қызылорда қалалық мәдениет бөлімінің бас маманы қызметін атқарған.

2001 жылдың шілдес айында Қызылорда қалалық орталықтандырылған кітапханалар жүйесінің директоры қызметіне тағайындалып, қазіргі уақытқа дейін атқаруда.

С.Есімқұлова жұмыс атқарған жылдары қаланың кітапхана саласының дамуына зор үлесін қосты. 1997 онтайландыру жылдары жабылып қалған Белкөл, Талсуат, Қызылжарма ауылдық кітапханаларының қайта ашылуына және қаланың Ақсөңгіт, Коммунизм, Титов, Сулейт мөлтек аудандарынан қалалық кітапхана бөлімшелерін ашуға ықпал жасады.

Сыр елінің әлеуметтік-экономикалық дамуы мен өркендеуіне, облыс мәдениеті мен өнерін өркендетуге қосқан үлесі және өз саласы бойынша қол жеткізген жетістіктері мен белсенді қызметі үшін бірнеше мәрте Қызылорда облысы әкімінің, облыстық мәдениет басқармасының, қала әкімінің Алғыс хаттарымен марапатталып, кітапхана ісінің дамуына зор үлес қосқаны үшін Қазақстан Республикасының Ұлттық Академиялық кітапханасы Бас директорының марапатына ие болды.

2009 жылы «Қызылорда облысының 70 жылдығы және Қызылорда қаласы іргетасының қаланғанына 190 жыл» мерейтойына арналған төс белгілерімен марапатталды.

Саягүл Жамбылқызы қоғамдық жұмыстарға да белсене араласады. Ол Қазақстан Республикасы Кітапханалар ассоциациясының, облыстық «Ұрпақтан-ұрпаққа» қоғамдық бірлестігінің және Қызылорда қаласы әкімдігі жанындағы әйелдер істері және отбасылық-демографиялық саясат жөніндегі комиссияның мүшесі.

С.Есімқұлова отбасында ауылы ана. Ұлы Бауыржан Алматы қаласындағы Қ.Сатпаев атындағы Қазақ ұлттық-техникалық университетінің 4-курс студенті.

САЙЛАУАЛДЫ БАҒДАРЛАМАСЫ

Қазақстан Тәуелсіздіктің 25 жылдына енесі биік ел болды. Тәуелсіздікті қатар алған басқа елдерден үздік шығып, Орталық Азияның көшбасшысына айналды.

Бүгінде тәуелсіз еліміздің әрбір даму каламдары мен алға басқан алымдары – менің мақтанышым. Ал қоғамдағы көңіл тоқмас көшімшіліктер мен проблемалық мәселелер мені көпшіліктің игілігіне жұмыс жасауыма жетелеп отырған бірден-бір себеп дер едім.

Ел қамын ойлаған азаматтар үшін парыз – қоғамның ала ілгерілеп, жаңа жетістіктерге жетуіне, адамдардың өмір деңгейінің артуына жағдай жасау, жас ұрпаққа, балаларымыз бен немерелерімізге жаңа мүмкіндіктер ашу.

Сайлаушыларды толандырып жүрген көптеген мәселелер мен үшін жете таныс. Себебі, мен осы қалада 30 жылдан астам уақыт тұрып, қызмет етіп келемін. Сондықтан мемлекетіміздің кемелдене түсуіне үлесімді қосуды мақсат етемін. Халық қалаушысы болу мен үшін мансап емес, зор міндет.

Жауапкершілігі мол қызметте жүргендіктен, аманат жүгінін салмағын сезінемін.

Биліктің ортасында жүріп, халықтың сөзін сөйлеп, дауысын жеткізуге, ортақ мүдде бағытында амбыл қызмет етуге сенімім.

Облыстық мәслихат депутаттығына талаптана отырып, Сіздердің таңдауларыңызға ие болған жағдайда төмендегі бағыттарда жұмыс атқаруды көздеймін:

- Облыстағы жұмыс беруші, жұмысшы және мемлекет арасындағы

қарым-қатынастарды реттейтін актілердің әділетті болуына, дәл орындалуына өкілетті органдардың бақылауын күшейту;

- «Бизнестің жол картасы-2020» мемлекеттік бағдарламасының аясында жұмыссыздардың еңбек нарығының сұранысына орай мамандық аулуына, жұмысқа орналауына ықпал ету;
- Қоғамның, биліктің әлеуметтік жағынан әділ болуына, қарттарға, балаларға, мүгедектерге, әлеуметтік қорғау тұрғысынан аз қамтылған, орман отбасыларына атқарушы биліктің он көзқарасын қалыптастыруға ықпал ету. Мүмкіндігі шектеулі балалардың озық технология құралдарымен қамтамасыз етілуіне күш салу;
- Ана мен бала денсаулығының қорғауына, бұл мәселені реттейтін құқықтық бағдарламалар асымындағы жұмыстарын тиімді жүзеге асыруына бақылау жасау. Қоғамда әйел-аналардың, дайлықты орын аулуына ықпал ету;
- Білім саласындағы мемлекеттік, өкірілік бағдарламалардың түпкілікті нәтиже үшін жұмыс жасауын бақылау;
- Республикамыз бойынша жүзеге аса бастаған жалға берілетін тұрғын үймен қамтамасыз ету, қондыраты үйлерді жаңғырту бағытындағы мемлекеттік бағдарламалар асымындағы жұмыстарын Қызылорда қаласында жүзеге асыру және бағдарламаның сапалы орындалуына ықпал жасау;
- Азаматтардың әлеуметтік аз қорғалған топтарына тұрғын үй көмегінің берілуіне ықпал ету.

ЕЛ ЕРТЕҢІ – БІЛІМДІ ЖАСТАРДЫҢ ҚОЛЫНДА


Елбасымыз Н.Ә.Назарбаев «Мәңгілік ел – 2050» даму стратегиясында: «Жастар – болашаққа деген үкілі үмітіміздің тірегі», - деп, ел сенімінің жастарға артар жүгі ерекше екендігін атап айтқан болатын. Қашан да болсын өз халқына деген сүйіспеншілігі зор, бойынша білімі мен тәрбиесі қатар ұшталған, туған топырағының қасиетін бағалай білген жалынды жастар жарқын болашаққа деген сенімді арттырады. Жастайынан білім нәрімен сусындап өскен, ғылымға құштар ел ұрпағы мықты білім ордасында шындалса, келешекте өз мамандықтарының нағыз шеберлері болып шығады. Жыл сайын мектеп түлектерін жылы шыраймен қарсы алып, жалынды жастарды ғылым мен білімге жетелейтін еліміздің жетекші жоғары оқу орны – әл-Фараби атындағы Қазақ Ұлттық университеті. Мұнда студенттер білім ғана алып қоймай, ғылымдағы ізденістерін қатар алып жүретіндіктен, ҚазҰУ түлектерінің қадамы қашан да бір деңгейге арттық.

Қазіргі кездегі жайандық экономикалық қиындықтарға төтеп бере алатын, зерттеп шешім шығару алатын мамандар елімізге аса қажет. Қазақ ұлттық университетінің Экономика және бизнес Жоғары мектебі жыл сайын еңбек нарығына басеккеге қабілетті, білімі мен дағдылары талапқа сай мамандар дайындап шығарады. Себебі, Экономика және бизнес Жоғары мектебінің күрделі ғылыми-тәжірибелік мәселелерді шеше алатын ғылыми ұжымы бар. Жоғары мектептің профессорлық-оқытушылық құрамы үш деңгейде жас мамандар мен ғалымдарды дайындайды – бакалавр, магистр, философия докторы (PhD). Оларды даярлау бағдарламалары бойынша шетелдердегі, атап айтқанда, Италия, АҚШ, Ұлыбритания, Жапония және тағы басқа елдердегі профессорлар құрамымен іс-тәжірибе алмасу бағытында тығыз қарым-қатынаста жұмыс жасайды.

ҚазҰУ-дің Жоғары мектебінің экономика ғылымдарының кандидаты, доцент Г.А.Садыханова басқаратын «Экономика» кафедрасы студенттер мен магистранттардың ғылымға деген жолдарын ашып, оларды докторлық ізденістерге тартады. Кафедраның профессорлық-оқытушылық құрамы осы мақсатта тұрақты түрде ғылыми конференциялар, олимпиадалар мен тренингтер өткізеді. Ондағы мақсат – жастардың ғылымға деген құштарлығын арттыру, зерттеулер, өзіндік талдау жұмыстарын жүргізу, ғылыми мақала, жобалар дайындау арқылы көзқарастарын кеңейту, меңгерген білімдерін неғұрлым тереңірек ұштау. Аталған кафедраның оқу үдерісі барысында кең қолданылатын және жаңа үлгідегі компьютерлерде жұмыс істеу мүмкіндігі бар, дамытылған информациялық-техникалық базасы бар. Сонымен қатар кафедрада, тәрбие жұмыстарының жоспарына сәйкес және студенттер мен жекелеріне ұстаздардың ұсыныстары бойынша көптеген шаралар ұйымдастырылып тұрады.

Қорыта келгенде, тереңнен ойлай алатын, болжап-жоспарлай алатын мықты маман ғылымда ізденіс жасаған тұлғалардан шығады. Ондай мамандардың нарықта басеккеге қабілетті мол, әрі тигізгер пайдадас да орасан зор. Сол себепті, ҚазҰУ-дің ӘЖБЖМ-де білім алып, өзіне пайдалы дағдылар қалыптастыруға, қасиеттері мен қабілетін ұштауға, ғылымға жұмсаған жастар үкілі үміттің тірегі болмақ. Болашақ – жастардың қолында.

Динара РАХМАТУЛЛАЕВА,
әл-Фараби атындағы ҚазҰУ ӘЖБЖМ
«Экономика» кафедрасы меңгерушісінің
орынбасары.
Елдос БОЛАТБЕК,
«Экономика» мамандығы,
4-курс студенті.



Былыр жазда басталған аталған жоба жаңа туылған нәрсестер мен 3 жас аралығындағы балалардың әлеуметтік жетімденуінің алдын алуға бағытылған. Жобаны ұйымдастырушы Құралай Исаева бүлдіршіндердің отбасында ата-ана қамқорлығына бөленіп, балалық шағын бақытты

СӘБИЛЕР ОТБАСЫМЕН БАҚЫТТЫ

өткізгенін қалайды. Оның айтуынша, 2015 жылы елде 1018 бала жетім қалса, оның 80 пайызының ата-анасы немесе жақын туысқандары бар екен. Алайда, олар әртүрлі себептерге байланысты бала тәрбиесімен айналыса алмайтындықтарын көрсеткен.

– Біздің аймақта бала емес, еліміз бойынша балаларынан бас тарту қаупі бар топқа жататын отбасылар мен балаларды, интернаттық мекемелердегі балаларды толық қамтитын инновациялық әлеуметтік қызмет инфрақұрылымын енгізу үрдісін жылдамдатуымыз қажет. Ал мен жетекшілік ететін қоғамдық қор мен перинаталдық орталық, №4 емхана мамандары бірлесіп жүзеге асырған жоба алғашқы нәтижелерін де көрсетті. Мәселен, былыр қала бойынша баласынан бас тартуға оқталған 39 отбасының

29-ы жүргізілген жұмыстар нәтижесінде өз пікірлерін өзгертті. Сәбилер ата-анасынан жырақтап кеткен жоқ. Сонымен қатар, қауіпті топқа жататын әйелдерге 300-ден аса арнайы әлеуметтік көмек көрсетілді, – деді Құралай Исаева.

Жоба ұйымдастырушыларының айтуынша, бұл мәселелер әлеуметтік жағдаймен тікелей байланысты. Сондай-ақ, балалардың туаытты науқасқа шалдығуы ата-аналардың ауыр қадамға баруына түрткі болуы. Сондықтан бүгінде аймақтағы әрбір емханада отбасын жоспарлау кабинеттері жұмыс жасауда. Себебі, ақ халаттылар облысымыздағы 100 әйелдің тек сегізінші ғана денсаулығы мықты екендігін айтты отыр.

М.ТОҚТАСЫҢҚЫЗЫ.

ТУБЕРКУЛЕЗБЕН КҮРЕС АЙЛЫҒЫ БАСТАЛДЫ

24 ақпан – 24 наурыз аралығын қамтитын туберкулезбен күрес айлығы өңірімізде бынал да дәстүрлі жалғасын тапты.

Осыған орай облыстық туберкулезге қарсы күрес диспансерінің бас дәрігері Әбдіғабит Әбдіәзім баспасөз мәслихатын өткізіп, туберкулез ауруының аймақтағы ахуалын таныстырды, аурумен күресте атқарылып жатқан жұмыстарға тоқталды және туберкулезбен күрес айлығының мақсаты жөнінде айтып берді.

Бас дәрігердің айтуынша, туберкулездің, оның ішінде көп дәріге тұрақты туберкулездің таралуын тежеу үшін инфекциялық бақылау шараларын күшейту, облыстағы туберкулезге қарсы мекемелердің материалдық базасын жақсартуға 344782 теңге қаралып, сол қаржыға Қызылорда қалалық тубдиспансері күрделі жөндеуден өткізілсе, барлық тубдиспансерлерге тәуелсіздік күзет бекеттері қойылған және бейнеқондырғылармен қамтамасыз етілген. Сондай-ақ, әрбір 10000 балаға 1 фтизиопедиатр штаты бекітіліп, қалалық тубдиспансер фтизиопедиатрлары көбейтілген.

– Сонымен бірге, мобильдік топ құрылып, емге қатынауға жағдайлары жоқ науқастарға дәрі тасымалданып беріледі. Аурудың алдын алу, емдеу жұмыстарын жақсарту мақсатында алғашқы медициналық көмек беру ұйымдарының мыңнан астам маманына семинар сабақтары өткізілді. Туберкулезге қарсы шаралардың, оның ішінде ем нәтижелілігін арттыру үшін амбулаториялық емдегі науқастарға әлеуметтік көмек ретінде 124390,32 теңге қаралып, 1088 науқас көмек алды,– дейді диспансер бас дәрігері Әбдіғабит Әбдіәзім.

Осындай ауқымды жұмыстардың нәтижесінде соңғы үш жылда аурушандық көрсеткіші түркістанған. Мәселен, 2014 жылы облыс бойынша 573 адам алғаш рет тіркелсе, өткен жылы олардың саны 549-ды құрап, 100 мың тұрғынға шаққандағы аурушандық көрсеткіші 2014 жылы – 76,8-ден, өткен жылы 72-нің көрсетіп, 5,7-ге азайған. Алайда, мамандар балалар мен жасөспірімдер арасында аурушандықтың жоғары болып тұрғанын жасырмайды. Атап айтқанда, 2014 жылы 31 бала алғаш рет ауырып тіркелсе, өткен жылы 32 баланы құраған. 2014 жылы 50 жасөспірім тіркелсе, былыр 52 жасөспірім алғаш рет ауырып тіркелген.

Туберкулездің алдын алу мақсатында тұрғындарды флюорографиялық әдіспен тексеруден өткізуге өткен жылы 401959 тұрғын жоспарланып,

оның 376359-ы қамтылған, яғни, жоспар 93,6 пайызға орындалған. Аталған тексеру нәтижесінде 54 науқастық туберкулезбен ауыратыны анықталған. Сонымен бірге, бактериоскопиялық әдіспен тексерілген 534 адамның 87,2 пайызында туберкулез микробактериясы табылған.

Ал 24 ақпан – 24 наурыз аралығында жарияланған Дүниежүзілік туберкулездің алдын алу айлығы аясында көптеген іс-шаралар жоспарланып отыр.

– Айлықтың басты мақсаты тұрғындар арасында туберкулездің алдын алуға байланысты санитарлық-ағарту жұмыстарын жандандыру, көпшілікті туберкулез мәселесіне назар аударту болып табылады, – дейді облыстық тубдиспансер бас дәрігері Әбдіғабит Әбдіәзім.

Айнұр БАТТАЛОВА.

СПОРТ — ДЕНСАУЛЫҚ КЕПІЛІ

Қаладағы №198 орта мектебінде «Үлкен Ел – Үлкен Отбасы» жалпыұлттық жобасы аясында «Спорт – денсаулық кепілі» атты волейбол сайысы болып өтті. Облыстық ассамблея хатшылығы мен «Қоғамдық келісім» мекемесінің ұйымдастыруымен өткен шараға түрлі этномәдени бірлестіктің мүшелері, белсенді жастар, мұғалімдер мен оқушылар қатысты.

Жастар арасындағы салауатты өмір салтын қалыптастыру, насихаттау, достық, бірлік пен татулық ұғымын тереңнен түсіну сайыстың басты мақсаты болып табылады.

Сайысқа төрт команда қатысып, өзара бақ сынасты. Тартысты өткен жарыста бірінші орынды татар этномәдени бірлестігінің жастары алса, екінші орын Қорқыт Ата атындағы ҚМУ студенттеріне бұйырды. Қырғыз этномәдени бірлестігінің жастары үшінші тұғырдан көрінді. Жарыста түрлі этнос өкілдерінен құралған «Достық» тобы командасы да тамаша ойын өрнегін көрсетті. Барлық қатысушылар арнайы жүлделермен марапатталды.

Алдағы уақытта да жастар арасындағы салауатты өмір салтын қалыптастыру және «Үлкен Ел – Үлкен Отбасы» жалпыұлттық жобасын насихаттау негізінде түрлі іс-шаралар өз жалғасын табатын болды.

Сара АДАЙБАЕВА.

КӘСІПКЕРЛЕР ҚАЙЫРЫМДЫЛЫҚ КӨРСЕТТІ

Жақында Қызылордада ашылған паллиативтік көмек беру бөлімшесін жабықтауға аймақтың бизнес өкілдері белсенді атсалысып жатыр.



Облыстық кәсіпкерлер палатасы директорының міндетін атқарушы Дархан Мырзалиевтің айтуынша, облыстық кәсіпкерлер палатасының бастауымен аймақ кәсіпкерлері тарапынан онкоорталыққа 3 миллион теңгеге жуық көмек берілген. Алдағы уақытта да мұндай көмек жалғасын таппақ.

Мешенаттар жаңа бөлімге жұмсақ, қорпұсты, медициналық жиһаздар, тұрмыстық техникалар, жүріс арбасын және өзге де науқастардың қажеттілігіне арналған заттарды алып берді. Бұл өзгелерге үлгі болсын. Сондықтан, қайырымдылық көрсеткен кәсіпкерлерді атап өткен жөн. Олардың басым бөлігі мұнай-сервистік компаниялар, сондай-ақ «Гас Лей», «НефтьТехСервис», «ПиЭм Лукас Қазақстан», «Дос Инжиниринг»,

«Сыр Маржаны», «Kyzylorda Wildlife Foundation» серіктестіктері мен Жандос Қарабала, Мақсат Мұбарак, Анавар Яку-повтар бар.

Кәсіпкерлер: «Емделушілерге моральдық көмек көрсетіп, қолдау білдіргіміз келді. Бұл бастаманы басқа да азаматтар жалғастырады деген сенімдеміз», – деп, өздерінің ізгі ниетін жеткізді.

– Облыс әкімінің қолдауымен жергілікті бюджеттен бөлінген қаржыға облыста онкологиялық дертпен ауыратын науқастарға паллиативтік көмек көрсетуге арналған 15 орындық хос-пис ашылған болатын. Аталған ауруға шалдыққан, жағдайы өте төмен азаматтарға арналған мұндай орталықты ашу бұрыннан жоспарымызда бар болатын. Бірақ сәті енді түсті. Кәсіпкерлердің бірден көмек қолын созып, орталыққа

қажетті құрал-жабдықтармен қамтамасыз еткендігі көңілге қуаныш ұялатты, – дейді облыстық денсаулық сақтау басқармасының басшысы Ақмарал Әлназарова.

Айта кетейік, паллиативтік көмек беру бөлімшесінің емделушілеріне жәрдем жасауда палата жанындағы облыстық Іскер Әйелдер кеңесі де қалыс қалмады. Кеңес мүшесі Айжан Шегенова бастаған нәзікжандылар орталықты бөлме гүлдерімен безендіріп, қабырға суреттерін табыс етті. Сондай-ақ, олар алда келе жатқан Халықаралық әйелдер күні қарсаңында сұлулық салоны қызметкерлерімен бірге, орталықта жатқан қыз-келіншектерге қызмет көрсетпек.

Дәурен ОМАРОВ.

Осыдан тура 60 жыл бұрын, яғни 1956 жылдың 25 ақпаны күні партияның XX съезі өтіп, онда жеке басқа табынудың зардаптарын жою туралы мәселе қаралды. Тарихқа «жылымық» деп таңбаланған кезең қалай басталды? Кеңестер Одағындағы құғын-сүргін дәуірінің аяқталуына не түрткі болды? Біз бүгін 60 жыл бұрын қабылданған қаулының қоғам өміріне қалай әсер еткені туралы танымдық материалды назарларыңызға ұсынамыз.

XX съезд кеңестік қоғамдағы бет-бұрыстың, бүкіл елдің саяси өміріндегі жаңа бағыттың бастауы болды. Арада 60 жыл уақыт өтсе де, Хрущевтің баяндамасы жайындағы тарихшылар пікірталасына нүкте қойылмай келеді. Бір белгілісі, баяндаманың стенограммасы жасалмаған және ол съездің негізгі жұмысы аяқталған соң барып оқылған. Хрущев сөз сөйлеп жатқанда өлі тыныштық орнап, жарыссөзге шыққандар мүлде болмаған дейді. Баяндамада жеке басқа табынудың соны неге апарып соқтырғаны туралы ашық айтылды. Алайда осынша құпиялыққа карамастан, XX съезден соң Хрущевтің баяндамасынан алынған тезистер зауыттар мен фабрикаларда, аудандық, облыстық партия комитеттерінде талқылана бастады.

Негізгі Хрущев жеке басқа табынуды әшкерелеуге асқан сақтықпен кірісті. Әу баста өзімен билікке таласуы мүмкін деген қарсыластарын тұқыртуды ойлаған. 1953 жылдың күзінде НКВД жанындағы айрықша мәжіліс таралды. Қылмыстық заңдылыққа «ожаз тек сот шешімімен белгіленетін» туралы жазылды. 1956 жылы ГУЛАГ жойылды. Жылдар бойы лагерлерге жазықсыз отырған мыңдаған адамдарды босап шығып, атудан аман қалған партия, әдебиет, өнер қайраткерлері өз орталарына оралды. Ал 1953-1954 жылдары соғыстан кейінгі репрессияға қатысты саяси істер қайта қарала бастады. Саяси тұтқындар ішінара ақталып немесе жазасы жеңілдеп, кейбіреуі мерзімін толық өтеп бостандыққа шықты. Алайда Хрущев тақтанып бір ұшы өзіне тиегінін ойлады. Ол


кезде кей лагерлерде тәртіпке бағынбай қарсылық көрсеткендер бас көтеріп жатқан еді. Бұл жағдайлар Хрущевті барлық заңсыздықтар үшін Сталинді айыптау бастамасын өз қолына алуына мәжбүр етті.

Көптеген тарихи еңбектерде жеке басқа табынуды әшкерелеу қоғамның қатыгездіктен шаршағандығынан туындады деп те жазылған. Деректерге қарағанда 1955 жылдың соңына қарай Хрущевтің тапсырмасымен арнайы комиссия құрылады. Комиссия бірталай саяси тұтқындардың ісін қайта қарауға ұсыныс жасады. Оған қоса өз жұмыстарының қорытындысы туралы XX съезде хабарлама жасау керек еді. Съезге әзірлік барысында Хрущев лагерден оралған көнекөз большевиктерді пайдаланып, делегаттардың көңіл-күйін білгісі келді. Ол баяндаманың алғашқы нұсқасын іске алғысыз етіп тастады да, үстінен редакциялады. Аталған баяндамада өткен жылдары орын алған заңсыздықтар, репрессияның зардаптары, Сталиннің тікелей қатысы туралы айтылды. Соғыс қарсаңында заңсыз сотталып, атылған Тухачевский сияқтылардың аты аталды. Алайда бұл тізімде Троцкий, Бухарин, Рыков, Каменев сияқты саяси оппозиционерлер есімдері жоқ болды. Сондай-ақ жаппай репрессияның пайда болу себебін тікелей Сталинмен байланыстырды. Баяндамашы Кеңес әскерінің 1941-1942 жылдардағы күйрей жеңілуін де «соғысқа қамсыз отырған» деп Сталиннен көрді.

Сол съездің куәгері А.Яковлевтің

естелігінде «Залда өлі тыныштық орнады. Креслолардың сықыры, сыбыр-күбір, жөтірінген дыбыстар сап тыйылды. Балкім, бойларын үрей билегендіктен болар, мүмкін мұндай әңгіменің күтпеген жерден айтылғанына күдікпен қарағандықтан шығар, залдағылар тіпті бір-біріне қарауға қорқып отырды» деп

әшкерелеуді жалғастыруды қолдайтындар мен басшылықтың бұл әрекетін қателік деп санайтындар болып екіге жарылды. Елде көсемге қойылған ескерткіштер біртіндеп құлатыла бастады. Бірақ Грузияда бұған қарсылық білдіргендер митингке шықты. Хрущев пен оның серіктестері жаңадан пайда болуы мүмкін толқулардан



жазылған.

Делегаттар да, олардан соң баяндаманың мазмұнын білген Кеңес азаматтары да есенгіреп қалды. Мемлекет құрудағы, кеңестік әрбір адамның өміріндегі Сталиннің ролі туралы тұтас концепцияның бір-ақ сәтте бөлі-тыты шықты. Бірақ КСРО-да жаппай қарсылық акциялары өтпеді. Жұртшылық баяндамадағылардың бұрын қалай айтылмағанына аң-таң болысты.

Қоғам жеке басқа табынуды

қауіптенді. 1956 жылдың 30 маусымы күні «Жеке басқа табынушылықты және оның зардаптарын жою туралы» Орталық Комитеттің қаулысы шықты. Бұл жолы қаулыда Сталиннің социалистік мемлекетті сыртқы жаулардан қорғаудағы еңбегі аталды. Жеке басқа табынудан келген зардаптар, әсіресе Сталиннің өзге адамның пікірімен санаспай қатты кететіні жайында жазылды. Қорытындысында жеке басқа табыну Кеңестік мемлекет пен компартияны өзгерте алмағаны туралы

тұжырым нақтыланды.

Съезд КСРО-ның ішкі өмірі мен сыртқы саясатына маңызды өзгерістер әкелді. Жүз мыңдаған адам ақталып шықты. Егер 1953 жылдан бастап 1956 жылдың басына дейін бар болғаны 8 мың адам ақталса, 1956 жылдан бастап, яғни съезден кейін бар болғаны бір жыл ішінде 500 мыңнан астам адам ақталды. Тұтқынға түскен он мыңдаған неміс және жапон азаматтары елдеріне қайтарылды. 1958 жылдың 29 желтоқсанында Қылмыстық кодекстен «халық жауы» деген ұғым алынып тасталды.

Бұл кезеңде цензураның күші әдебиетте, кинода, өнердің басқа түрлерінде аздап болса да әлсіреді. «Новый мир» әдеби журналы жарыққа шықты. Көптеген авторлардың шығармалары шетелдерде танымал бола бастады. Халықаралық катынастарда да жылымық орнады. Өз жерінен еріксіз депортацияланған шешен, қалмақ, балқар, т.б. халықтардың бастапқы құқықтары қалпына келтіріліп, олар туған жерлеріне көшуге рұқсат алды. Алайда қырым татарлары, месхет түріктері, Еділ бойындағы немістердің автономиялары сол бойы қалпына келтірілмеді. Ұлттық саясатта әзіршіл-әкімшіл жүйенің сірескен тоңы толықтай ерімеді.

Хрущев кезеңінде жазықсыз қудалаған ғалымдар, әдебиетшілер, зерттеушілер өз салаларына қайта оралғанмен, қатаң бақылаудан арылған жоқ. “Саяси басқаша ойлауға” мүмкіндік берілмеді. Қоғамдағы келеңсіздіктерді ашық айтқандар құғынға ұшырады, психиатриялық ауруханаларға жабылды. КСРО Денсаулық министрілігінің мәліметтеріне сүйенсек, сол кезеңде “басқаша ойлаған” 90 мыңнан астам Кеңес азаматы психдиспансерлерге жатқызылған.

Съезден кейін Қазақстанда Т.Рысқұлов, С.Асфендияров, С.Сейфуллин, Б.Майлин, Н.Нұрмахов сынды қоғам қайраткерлері, акын-жазушылар ақталды. Бірақ Алаш қайраткерлерінің еңбегі сол күйі айтылмады. Құғын-сүргінге ұшыраған Б.Сұлейменов, Е.Бекмаханов сияқты та-

рихшылар түрмеден шықты. Қазақстан тарихының көп мәселелеріне жаңа көзқарас қалыптасқанмен, Кеңесары Қасымұлы бастаған қазақтардың ұлт-азаттық қозғалысына әділ баға берілмеді.

Қазақстандағы еркін ойды тұныштықтұру әрекеті ОК-нің «Қазақ әдебиеті» газетінің қателіктері туралы қаулысымен бекітілді. Қаулыда қазақ зиялыларының ұлттық мәдениетке, ана тілінің тағдырына қатысты мақалалары «билікке қарсы шу көтеру үшін жазылған» деп айыпталды.

Жылымық жылдарында Қытайдың Шыңжаң аймағынан кезінде кеңестік режимнің қысымына шыдамай ел асқан, 1921-1922 мен 1929-1933 жылдары ашаршылықта жан сауғалап арғы бетке өтіп кеткен қазақтардың және олардың ұрпақтарының бір бөлігі атамекенге оралды. Оған 1954 жылы КСРО мен Қытай арасындағы қарым-қатынас туралы жасалынған 10 жылдық келісім-шарт, КСРО Министрлер кеңесінің ерекше құпия жарлығы, «Шекарадан тыс жерлердегі кеңес азаматтарын репатриациялау және оларды КСРО-да еңбекпен қамту» туралы қаулы негіз болады. Қайта оралған қазақтар, негізінен, Алматы, Талдықорған, Семей және Шығыс Қазақстан облыстарына шоғырланды. Алпысыншы жылдардағы кеңес-қытай қарым-қатынасындағы дағдарыстан кейін шекара жабылды. Тарихи деректерде «1954-1963 жылдары Қытайдан 268371 адам қайта оралды, оның ішінде 8984 адам басқа республикаға жіберілді. Оларды шегеріп тастасақ, сол жылдары Қытайдан Қазақстанға барлығы 259,4 мың адам келді» деген дерек бар.

Сол жылдардағы азаттыққа деген ұмтылыстың қазақ әдебиеті мен тарихына, саяси өміріне етпесті болса да оң әсерін тигізгенін жоғарыда атап өттік. Бірақ бұл көктем емес, жай ғана жылымық еді. Жылымық жылдарында да мұзы жібімеген идеологияның кесірі қазақ тарихы ақтаңдақтарының ашылуын тағы ондаған жылға кешіктірді.

Гүлжазира ЖАЛҒАСОВА.

● АЛДЫҢҒЫ ТОЛҚЫН АҒАЛАР

Еліне адал қызмет етіп, халық жағдайының жақсаруына сүбелі үлес қосқан ағаларымыздың бірі – Шамиль Нұрымгереев. Жастайынан партиялық қызметте жүріп, жұртының ықыласына бөленген ол қашанда адал қызмет етуді өзіне азаматтық борыш санады.

ТЕКТІ ӘУЛЕТТІҢ ТҰЯҒЫ

Шамиль ағамыздың арғы аталары да өз заманында елдің сөзін сөйлеп, халқына қалтқысыз қызмет етті. Ұлы атасы Жолдасбай Орал губерниясы генерал-губернаторының жәрдемшісі бола жүріп, балаларды орысша оқытуға үгіттейді. Өз баласы Орынбасарды да Оралдағы фельдшерлік мамандық алуға оқуға беріп, ел билеу ісіне ерте араластырды. Үкілеген әке үміті ақталып, Орынбасар (1906-1918) Ойыл облыстығын басқарды және Романовтардың патшалық құрғанына 300 жыл толуына арналған мерейтойға шақырылған 13 казакпен бірге мерекелі алтын медальмен марапатталды. Сондықтан да бел баласы Нұрымгерейдің гимназияда оқып, институт бітіріп, орыс тілінен сабақ берген алғашқы мұғалімдердің бірі болуы тегін емес еді. 1939 жылы Ойыл ауданы мұғалімдері атынан Москвадағы Бүкілодақтық мұғалімдер съезіне делегат болып қатысты. Баба жолы балаға үлгі болып, осы бір асыл қасиеттер Шамиль ағамыздың бойынан табылды.

Балалық шағы Ұлы Отан соғысымен тура келген айтулы азамат қиын күндерді де басынан өткерді. Әкесі 1942 жылы соғысқа аттанып, содан қайтып оралмады. Анасы Қайша төрт баламен тұрмыстың ауыр күндерін басынан өткерді. Бұл жайлы ағамыздың «Өмір белестері» деген естелік кітабында айқын көрініс тапқан. «Кей күндері басқа тамақ болмағанда жалғыз қасқа сиырдың сүтін пісіріп, төрт балаға бөліп беріп, шешеміз аш қалатын. Қиындық көрген анамды 1949 жылы сүзек жалмады», – дейді ол.

Әкесі сабақ берген Сапақкөл жетіжылдық мектебін бітіріп, Ойыл ауданының орталығындағы орта мектептің 8 класына оқуға түсіп, интернатта жатып оқыды. Қиындыққа жоғалтып

алған анасының туыстарын тауып алып бір көруді, жүздесуді армандайтын. Мектеп бітіргеннен кейін, арада 18 жыл өткенде анасы Қайшаның бақи болар алдындағы тапсырмасымен нағашыларын іздеп Қызылордаға, Қазалы қаласына келеді. Отызыншы жылдардың көмеспескейнен аман қалғандары күшқаж жағы қарсы алып, Ойылда қалған басқа жиендерді де алдырады. Енді оған өмірдің жаңа есігі ашылып, көңілі жайланып, өзі Қазалыдан Отан алдындағы әскери борышын өтеуге аттанады. Еліне абыроймен оралған сарбаз Н.В.Тоголь атындағы пединституттың жаратылыстану факультетіне оқуға қабылданды. Белсенділігімен институттың басқару құрылымына тартылып, факультет комсомол комитетінің хатшысы, институттың партия ұйымының мүшесі болып сайланды.

Жоғары білімді Шамиль аға мен жары Галя апамыз Қазалыға қайта оралып, мектепке жұмысқа тұрады. Көп ұзамай, 3-4 ай шамасында Шәкең Қазалы аудандық партия комитетіне жұмысқа шақырылады. Жұмысқа деген жауапкершілігі мен ізденімпаздығы ескеріліп, жас маманға 3 бөлмелі үй берілді. Аудандық партия комитетінде қызмет атқарған жылдары да ағамыз абыройлы еңбек етті. Қазалыдан облыстық партия комитетінің үгіт және насихат бөліміне ауыстырылды. Мұнда Қызылорда тарихында ізі қалған ардақты ағаларымен қызметтес бола жүріп, көп тәжірибе жинады. Облыстың бірінші хатшысы Хасен Бектұрғанов және Сейдула Танакеев, Қаржау Жарқынбаев, Дәуірхан Айдаров, Қалқабай Әбенов сынды ағаларымен әріптес болғанын ол әрқашан мақтанышымен айтып отырады.

Қалалық партия комитетінің партиялық ұйымдастыру бөліміне ауысқан жылдары да өзінің

жұмысқа деген қабілеттілігін көрсете білді. Сол кездері партия кадрларын тәрбиелеу, бақылау, қызметтерінің осуын қадағалау, жас кадрларды дайындау, ірі өндіріс орындарының басшыларына партиялық бағыт беру жұмыстары жүктелді. Бұл қызметін 10 жылдай атқарған Шамиль 1978 жылдың қыркүйек айында мемлекеттік бақылау жүйесіне ауыстырылды. Қалалық халықтық бақылау комитетінің төрағасы болып бекітілді. Соңғы жылдары қалалық әкімшілікте қызмет жасап, адал еңбек жолында өзіндік қолтаңбасын қалдырды және өз мүддесін халық мақсатынан жоғары қойды. Еліне адал еңбек еткен А.Шевцов, В.Ковалев, Ы.Қалиев, А.Айдосов, Э.Туровский, А.Қалыбаев, Ж.Шарипов сынды азаматтармен әріптес болды.

Ш.Нұрымгереевтің ұзақ жылдар бойы атқарған еңбегі мемлекет тарапынан бағаланып, бірнеше рет марапатталды. «Еңбектегі ерлігі үшін», «В.И.Лениннің туғанына 100 жыл толуына» арналған медальдармен және ҚР Жоғарғы Кеңесінің, облыстық кеңестің, облыстық мәслихаттың Грамоталарымен марапатталды. Міне, Қызылорда тарихында өзіндік қолтаңбасын қалдырған Шәкең жазушы, сатирик Табыл Құлыястың шығармалар жинағының басты кейіпкеріне айналуы кездейсоқ нәрсес емес.

Зейнетке шыққанша еңбек майданында абыроймен жүруіне оның жұбайы Галя апамыз да аз үлес қосқан жоқ. Өзі де жоғары оқу орнында ұстаз, ғылым қандидаты. Бүгінгі күні ардақты ата мен әже балаларымен мақтанып, өмірдің қызығы осы екенін жан-жүрегімен сезінеді. Барлық жағалары Москваның жоғары оқу орындарында білім алды. Үлкені Эмиль М.В.Ломоносов университетін, Қанышы жерге орналастыру институтын,



Қуаныш авиация институтының автоматты басқару бөлімін бітірген. Ал арпа ішіндегі бір билдай Ләйләсі – дәрігер. Бәрі де отбасылы, бала-шағалы, алды немере сүйген ата-әже. Нұрымгерей әулетінің төртінші буыны Лондонда, Нью-Йоркте, Боннда, Гаага сияқты атақты жоғары оқу орындарында білім алып, еңбек етуде. Ал, әулет келіндері ененің топырағынан жаралғандай бексапп. Үлкен келіні Эва – кәсіпкер, екінші келіні Жамал – ғалым, үшінші келіні Луиза – дәрігер әрі кәсіпкер. Бәрі де отбасының берекесі.

Ол 2011 жылы мамырда Москвада тұратын үлкен ұлы Эмиль, Германияда тұратын ортаның ұлы Қанышпен бірге 67 жыл өткенде ғана дерегі табылған әкесі Орынбасар Нұрымгерейдің мәңгілік мекен тапқан жері Псков облысы, Пустошкин қаласы, Сергеево селосына барып қайтты. Нұрымгерейдің кейінгі ұрпақтары мен перзенттік борышын өтеп, туған жердің топырағын сапып, ескерткіш қойып, құран бағыштап қайтты. Өрине, бұл істе кенже ұлы Қуаныш пен оның жұбайы Луиза себепші болса, ұл-қыздары, немерелері демеуші болып, ата-бабаларына ас берді.

Қазаны оттан түспеген, дастарханы жылымаған бұл отбасының тірегі, берекесі – Шамиль ағамыз бен Галя апамыздың көрер жақсылық-қызғығы көп болып, ынтымақ-ырысы ортаймасын деп тілейміз. Сексенге толған ақсақалдың өмір жолы кейінгі ұрпаққа өнеге.

Мәдібек ИБРАЕВ,
Кенжетай ҚАЙРАҚБАЕВ.

РУХАНИЯТ ҚОЛДАУШЫЛАРЫ

Жуырда танымал жазушы Қабдеш Жұмаділовтің «Аққуды атпас болар» атты туындысын құмарта оқып шықты. Қаламынан он роман, жиырма бір повесть, жетпістен астам әңгіме туған қаламгердің осынау жаңа кітабын тек оқып шықтым деу аса солғын естілер еді. Ғажап әсерлендім. Ғұмырының өзі дастан қаламгердің Қытайдағы қандастарымыздың аянышты тағдырын, Шәкәрім қажының Қарасартов бастаған ГПУ жендеттерінің оғынан қаза тапқан, ақынның елу жыл бойы жинаған асыл қазынасы араб, түрік ойшылдары, ертедегі грек данышпандары кейінгі Еуропа мен орыс оқымыстылары шығармаларының құдайсыздардың қолымен өртелген сәтін жүрекке жеткізе суреттеуі кім – кімнің де жанарына жас үйірегі анық. Түнді елегумен өткіздім. Санама қажының жалын жұтқан құнды шығармалары, сонау дәуірдегі отқа оранған Отырар кітапханасы үздіксіз орала берді.

Ал ертеңіне Қазалы аудандық орталықтандырылған кітапханалар жүйесіне толық бас сұқтым. Оқырмандар залында адам қарасы баршылық екен. Біреу қажетті дерегін, екіншісі іздеген кітабын тауып мөресөре. Жайлы да жарық бөлмеде кітап оқып отырғандарды да ұшырастырдық. Осынау жаңға жағымды көрініс «әлеуметтік жағдайдың енгеннен кітап оқуға деген құштарлық жоғала бастады» деген пікірдің ұшқары екенін тағы да дәлелдегендей. Мұны руханият шырақшылары қазалылық кітапханашылар да теріске шығармады.

Нақты кезеңде аудан көлемінде 26 көпшілік кітапхана халыққа рухани-мәдени қызмет көрсетеді. Олардың басым бөлігі нақтысы 21 кітапхана ауылдық жерлерде орналасқан. Аудан кітапханалары РАБИС бағдарламасын қолданысқа енгізген. Кітап қорының электронды қорын құру, жүйелілік, интернет желісі арқылы ақпарат ағынына ілесіп, оқырмандардың қажетті сұранымын өтеу тұрақты күн тәртібінде тұр. Заманауи, тың ақпараттарды меңгеруді мұраттаған Индира Назарова басқаратын қазалылық кітапханашылар ешқашан ізденуден жалыққан емес. Әрі еңбектерінің жемісін татуда.

Бүгінгі таңда аудандық орталық кітапхана РАБИС бағдарламасының бес модулімен жұмыс жасайды. Жаңалыққа құштарлардың алдыңғы легінде ауыл кітапханашылары бар. БҰҰ аясында «Даму» бағдарламасының демеушілігімен Жанқожа батыр, Өркендеу ауылдық кітапханаларынан онлайн орталықтар ашылды. Нәтижесінде Жанқожа батыр ауылының кітапханашысы Бақытқұл Айнияз елді мекен тұрғындарына кітапхана қызметіне қоса онлайн қызметін де көрсетуде.

Сарбұлақ – аудан орталығынан жырақ қоныстанған елді мекендердің бірі. Ауылдағы кітапхана мектеп-интернаттың бір бөлмесіне орналасқан. Басылардан білгеніміз шағын бөлмедегі кітапхананың



тындырған тірлігі толымды көрінеді. Ұзақ жылдардан бері осында кітапханашылық қызмет атқаратын Ұлжан Қарымсакова өз саласын жетік білетін, майталман маман. Оқырманның кітап оқуға деген дүниетанымын кеңейтуде, олардың шығармашылық қабілетін шыңдауда, түрлі тақырыптарда мәдени іс-шаралар ұйымдастыруда Ұлжанның белсенділігі мақтауға лайықты.

–Өткен жылдың тарихи оқиғаларға толы болғаны баршаға аян. Бұл тұрғыда кітапханашылардың әсте қалыс қалмайтыны тағы рас. Орайы түскенде түрлі мәдени іс-шаралардың басы-қасында жүретін орталық кітапхананың оқырмандарға қызмет көрсету бөлімінің меңгерушісі Мағрипа Елдесбай, аға әдіскер Зоя Мұстафаева, кітапхана меңгерушілері Роза Бекетаева, Айсара Қожақова, Алмагүл Орынбай, Гүлнар Пірімбетованың есімдерін ерекше атап өткім келеді, – дейді Қазалы аудандық орталықтандырылған кітапханалар жүйесінің директоры Индира Назарова.

Мерейлеріңіз үстем болсын, руханият шырақшылары.

Жұмабек ТАБЫНБАЕВ,
Қазалы ауданы.

ОҚЫРМАН ХАТТАРЫ



● САЛАУАТТЫ ӨМІР САЛТЫ ДЕНІҢ САУ БОЛСА – ДӘУЛЕТ СОЛ

Елдің болашағы Отанның қорғаны болар жастардың қолында екені әркез айтылып келеді. Жастардың спортпен шұғылдануы, жоғары жетістікке жетуі ел үшін мақтаныш болса, оның денсаулығын қалпында сақтауы үшін таптырмас құрал болып табылады. Осы орайда өзін-өзі қамшылап, өмір бойы спортпен айналысып келе жатқан жандардың өңегелі ісін алға тартса, артықтығы болмас. Ардагерлер арасында гір тасын көтеріуден 4 дүркін Еуропа, 5 дүркін Әлем чемпионы болған Серік Ибрагимов пен еркін күрестен жас олимпиадалық ойынның қола жүзлегері Азамат Шағапұлы М.Қаратаев атындағы №51 мектепте болып, балалармен спорт жайды, оның адам ағзасына тигізетін пайдасы, өздерінің барлығын дерлік қолдан жасағанын, өзінің осы жолда көп кедергілерге кездескенін, сонда да екенін, тек мыта мен ықылас, қайтпас қайсарлық қажеттігін айтты. Аудан орталықтарында спорт мектептері, ауылдарда олардың бөлімшелері жұмыс істейді. Спорттың кез келген түрімен айналысуға мүмкіндік мол. Осы мектеп түлегі А.Шағапұлы да әркімнің тағдыры, денсаулығы өз қолында екенін, спортпен үздіксіз айналысқан жандардың шымыр да ширақ болатынын жеткізді. Кездесуге қатысқан шәкірттер спортшы ата-ағасына өздерін толғандырған сұрақтарын қойып, тұшымды жауап алды.

Ғабит ЫБРАЙЫМ,
кент тұрғыны,
Жаңақорған ауданы.

● ҮЛКЕННЕН – ҰЛАҒАТ...

ТӘРБИЕ НЕГІЗІ ОТБАСЫНАН ҚАЛАНАДЫ

“Ұяда не көрсең ұшқанда соны ілерсін” дейді халық даналығы. Бала өскен сайын оның тәрбиесі де күрделеніп, оған да, ата-анаға да қойылар талап күшейе түсері сөзсіз. Өз баласының мінез-құлқы мен айналысатын ісін, қатысатын ортасын біліп отыру да кейбір қатерлердің алдын алады. Отбасы мүшелері, әсіресе отағасы мен отанасы тату болса, ол ошақта өскен бала да тәрбиелі болады хак.

Қазіргі заман ағымсы ешқайда мойын бұрғызбайды. Ата-аналардың көпшілігі жұмысбасты, жан-жаққа бұрылуға мұршасы жоқ. Бала үшін еңбек етіп, солар үшін жүгіріп жүр. Бірақ кей ата-ананың бала тәрбиесіне немқұрайлы қарайтыны жасырын емес. Баланы алдымен балабақшаға, сосын мектепке беріп, бар ауыртыпалықты соларға артып қою, баласы бір нәрсе бүлдірсе соларды кінәлі санау, әркез баласының сөзін сөйлеу – құптамайтын қылық. Ұрпағыңыз тамағы тоқ, көйлегінің көк болғанын ғана емес, сонымен қатар оның оқуы мен тәрбиесіне, айналысатын ісіне көңіл бөліп, кемшілігін түзетуге бағыт-бағдар беріп отырса, ата-ананың ұтары мол болар еді. Өйткені, баланың тәрбиесі өз отбасынан бастау алады. Егер отбасын-

да дорекілік, ұрыс-керіс, маскүнемдік секілді жағымсыз жағдайлар орын алса, оның балаға кері әсер ететіні сөзсіз.

Баланы еңбекке, жарқын сезімдер мен нұрлы мұраттарға баулу, адамдар арасында өмір сүре білуге үйрету отбасының негізгі міндеттері болып табылады. Өрбір ата-ана баласының биікке шығуын, армандаған асуларына алқынбай жетуін ойлайды. Тәрбиелі, мінезді, білімді, еліне пайдасы тиетіндігі мамандық иесі болуын қалайды. Олардың осы тілектерінің орындалуы өздеріне байланысты. Бесіктен басталатын бала тәрбиесін өздері ау бастан қолға алса, баласы үшін бар жақсылықты шынайы жасаса ұрпағы ұлағатты болып ержетпей ме? Ата-анасын сыйлап, құрметтеп үйренген бала үлкенді де, өзгелерді де қадірлеп, оларға құрмет пен қамқорлық таныта біледі. Міне, ел болашағы деген осы. Өскелең ұрпақтың тәрбиелі, білімді әрі ұлтжанды болып ержетуі үшін бар қажыр-қайратты жұмсайтын жол келді.

Асылзат ӨБЕЗБАЕВА,
№37 мектеп мұғалімі,
Сырдария ауданы.

● ШАҒЫМ

ЖҰРУ УАҚЫТЫ НЕГЕ ӨЗГЕРЕДІ?

Мен Қызылорда қаласына жиі барамын. Өзіме ыңғайлы болғандықтан көбінесе жолашушылар автобусына мінемін. Кейінгі кездері жолашушы таситын автобустың уақытынан ауытқып жүретіні жайында әңгіме естідем де оған оңша көң бермеген едім. Ақпанның 13-і күні кешкі сағат 17-де жүретін «Қызылорда-Жаңақорған» бағытымен елге қайтуға келсем, ол орын толық болғандықтан кестедегі уақытынан бұрын жүріп кетіпті. Автовокзал кассирі: «Автобус толып қалды, оны ұстап тұра алмаймыз, жолашушылардың өтінішін орындадық, шағымыңызды ауыл басынына айтыңыз» деп маған Шымкент бағытында жүргелі тұрған «Газельге» билет берді. Ал ол маршрут адам саны жетпегендіктен жүрмейтін болып, билетімді қайта өткіздім. Сонымен Жаңақорғанға баратын алты адам қалта қағатын таксиге отыруға мәжбүр болдық...

Менің айтайын дегенім, кезінде осы автобекет мекемесі маршруттарды теңдерден жасып алып, халыққа қалтқысыз қызмет көрсетуге міндеттенді ғой. Маршрутты қадағалап, оның өз уақытында жүруін тексеріп отыратын жан жоқ па? Мен соны білгім келеді.

Манарбек БАЙМУРАТОВ,
зейнеткер,
Жаңақорған кенті.

Оқырман хаттарымен
сырласқан

Жұмағұл ОРАЛБАЕВА.



● ОЙТҮРТКІ

АРМАҢ БОЛҒАН АҚ ЖАҰЛЫҚ

Бұл тақырып бұған дейінде талай пікірталас тудырып, талқыға түскен болатын-ды. Мен де өз пікірімді көпке ұсынсам деймін. Ата-бабамыздың ғасырлар бойы тұтынып, қастерлеп келген ақ жаулығы қолданыстан қалып барады. Тартатындар бар, бірақ сирек. Қазір “заман солай” деп бәрін заманға аударып қойып, өзіміз сүттен ақ, судан таза болып шыға келуді әдетке айналдырдық. Көшені қойып, үй тіршілігінде жалаңбас жүретіндер жетерлік.

Жаңа түскен жас келін басынан орамалын тастамайды, оған да шүкір. Үлкенді сыйлағаны болар, алайда оның алдындағы абысын-ақындары, тіпті енесінің өзі көшеге шықса, шашы қобырап, жалаңбас кетіп барады. Бұны көрген келіннің күні ертен жалаңбас жүрмесіне кім кепіл. Жаулықсыз әйелге шайтан үйір келеді дейді. Негізі соның жаны бар-ау. Жаулық тартпаған әйел шашын кесіп, оны әртүрді түске бояяға үйір, жастармен жағаласып, сән кууга, қысқа, ашық-шашық киім киюге әуес. Сырт көзге сұлу, әдемі көрінгенге не жетсін,

алайда оңшама салмағы жоқ кішкентай жаулық тартудан неге қашамыз? Жаулық – әйелдің иманы, бұрынғы апа-әжелеріміз үйден жаулықсыз шықпайтын, қайда барса да басынан ақжаулығы түспейтін-ді. Басындағы жаулықтың көлемі мен түсіне қарап, оның иесінің жас шамасын, қандай отбасынан шыққанын білуге болатын. Ең бастысы, жаулық тартқан әйелге ешкім көзін сүзбейтін. Міне, ақжаулықтың қасиеті.

Бүгінгі әйел қауымы көшеде, жұмыс орнында жасына қарай жарасымды киініп, басына үстіндегі киіміне үйлесетін орамал тартып жүрсе, бір ұжым мүшелері абысынды-келінді жандардай сыйласып жүрсе, несі айып? Қыздар алдыңғы толқынға қарап бой түзер еді. Сонда барып ашық-шашық, қысқа, тар киімдерден құтылар едік. Қазақ халқының өткенін айтып, өкініш білдіре бергенше неге бір істі қолға алмасқа. Ақжаулық тартуды, оны бастан тастамауды дәріптеп, жастарды соған үйреті білсек жақсы болар еді. Сіздің пікіріңіз қандай, оқырман?!

Бейбіт САРЕКЕЕВ.

● АЛҒЫС

БАҒЫП АҚА МҮЛЕТІ

Жасың келген сайын денсаулығың да сыр бере бастайды екен. Жуырда жүрек қабынуымен қалалық ауруханаға жeled жәрдеммен жеткізіліп, сонда емделуіме тура келді. Мені терапия бөлімшесінде қызмет істейтін кардиолог-дәрігер Айгүл Қасымжан өз қамқорлығына алды. Жүзі жылы, сөзі майда, мінезі жұмсақ дәрігердің емі өз шипасын берді.

Қазалылық Айгүл Жігерқызы 2013 жылы Қарағанды мемлекеттік медициналық университетін “Емдеу ісі” мамандығы, ал интернатураны “Кардиология” саласы бойынша бітіріп шыққан екен. Содан бері осы ауруханада еңбек етіп келеді. Жас маман өзінің ЖОО-да алған білімін тәжірибе жүзінде шебер қолданып, науқастардың ыстық ықыласына бөленуде. Қалалық аурухана соңғы медициналық технологиямен толық жарақтандырылған. Емделушілердің диагнозы компьютерлі томографияның көмегімен жедел анықталып, соған орай ем алады. Кардиологиялық науқастарға да өркеніет аппараттарымен тәулік бойы ем жасалады.

Қалалық аурухананың бас дәрігері Асылбек Тоғызбаев, оның орынбасары, кардиолог Гүлнар Ыбыраева мен өзімің емдеуші дәрігерім Айгүл Қасымжанға шынайы аналық алғысымды білдірсем деймін.

Құләш ӘЙТІЛЕСОВА,

Батыр ана,
Қызылорда қаласы.

ШАЛҒАЙДАҒЫ АУЫЛ ШАТТЫҒЫ

“Жаксының жақсылығын айт, нұры тассын” дейді халық даналығы. Біз бүгін ауданды басқарғанына бір жылдай болса да ел үшін біраз іс тындырған әкім Абзал Мұхимов жайында айтқалы отырымыз. Жас та болса, еліне бас бола білген, адамгершілігі мен алғырлығы, парасат-пайымы көпшілікпен етене арасуынан байқалған әкім келгелі біраз жаңалықтың куәсі болдық. Аймақта жеке кәсіпкерлік дамып, серіктестіктер мен шаруа қожалықтарының қатары көбейді. “Сыбаға” бағдарламасы арқылы жұмыс істейтін ауыл шаруашылығы құрылымдарын құру қолға алынды. Мәселен, Жаңақұрылыс ауылының өзінен ғана 3 ауыл шаруашылығы құрылымы құрылды, олар мал тұқымын асылдандыру жұмыстарын жүргізуде.

Аудан көлемінде атқарылып жатқан жұмыстар қаншама?! Біздің ауыл тұрғындары бұрын аудан орталығына бару үшін Хан қалқамалы көпірінен өтетін. Көпірдің екі бетінен жүру, әсіресе күз бен көктемде аса қиындық тудыратын. Ауылдан «Қамбаш-Аманөткел-Бөген» жолына шыққанша алты шақырым ғана, алайда жол жүру мүмкін болмағандықтан Қаратерен ауылы арқылы 75 шақырым айналатын едік. Біздің тартып жүрген азабымыздан хабардар болған аудан әкімі Абзал Сансызбайұлына алғысымыз шексіз. Әрқашан халық сенімінен шыға беруіне тілектеспіз.

Сердалы ШАЛБАЕВ,

Жаңақұрылыс ауылдық ардагерлер кеңесінің төрағасы.
Арал ауданы.

● ӨТІНІШ

АЛАҚОЛ ҚЫЗМЕТ ЖАРШАТТЫ

Облыс орталығы уақыт өткен сайын көркейіп, көріктеніп келеді. Қала аумағы сәт сайын үлкейіп, жаңадан сап түзеген шағын аудандар, көшелер саны да артты. Өрине, олардың барлығын бірден жөндеп, тұрғындарының жағдайын жасап қою оңай іс емес. Уақыт өте келе жөнделетінін, бөрінің де ретке келтіретінін біріміз де білеміз. Біздің айтпағымыз басқа еді. Біз «Рисмаш» шағын ауданына қарасты Алтын Орда көшесінде тұрамыз. Осы көшеге электр жарығы да тартылды, жол да салынды, бірақ жартылай ғана. Электр жарығы көшенің жартысына тартылған. Екінші жартысындағы 14-15 үй тұрғындары шамамыз келгенше электр желілерін жүргіздік. Барлық үй бір желіге жармасқасын, оның үстіне арнайы маман жалғамағасын не оңсын, жарығымыз тым әлсіз, жел соқса да жал етіп, сөніп қалады. Балалар ел қатарлы теледидар да көре алмайды.

Енді көшедегі жол жағдайына келейік. Көшенің қалалық маршрут жүретін бөлігіне асфальт төселген. Оны аяғына дейін жеткізуге жол салушылардың шыдамдары жетпеді ме, әлде жоғарыдан берілген нұсқау солай болды ма, тағы да сол

біз тұратын жақ жолсыз қалды. Жанбыр жауса, көшеде жүру қиямет. Батпаққа құлаған бала, тобықтан келер лай суды кешкен қария, түзу жолға шыққанның кейін қалтадағы таза аяқ киімін киіп, бес батпан балшық болғанын кері қайтарған жан, ми батпақтан шығар жол таппаған көлік – бәрі осында. Сонда бір көше тұрғындарын алапал, олардың жартысына жағдай жасап, қалған жартысын қараңғыда, ойлы-қырлы, батпақты аумақта қалдырудың қаншалықты қажеттілігі бар еді? «Сағадағы су, аяқтағы үшеді» дейтіндей тым ұзақ көше де емес, бар-жоғы 600-620 метрдей ғана. Соны толық жарықтандырып, асфальттауға не кедергі болды екен?! Мұндай жағдай осы аудандағы Тәуелсіздік көшесіне де тән.

Осы көше тұрғындарының көріп жүрген қиындығы аймақ басшылығының назарына іліксе, барлығы жақсы болар деген үміттеміз.

А.АЙДЫХАНОВ, С.БЕКҚОЖАЕВ, И.САРИЕВ, О.ОСПАНОВ, Д.ЕРҒАРАЕВ,
Алтын Орда және Тәуелсіздік көшелерінің тұрғындары.

«ТАБЛИҒИ ЖАМАҒАТ» – ДІНБҰЗАР АҒЫМ

Діни ағымдардың ішінде өзінің жүріс-тұрысы және киіну стилімен бірден көзге түсетін «Таблиғи жамағат» ұйымының қызметі Қазақстандағы мұсылман үлметінің наразылығын оятып қана қоймай, құқық қорғау органдарының назарына ілігіп отыр. Қазақстан Республикасының 2011 жылдың қараша айында қабылданған «Діни қызмет және діни бірлестіктер туралы» Заңында белгіленген тәртіп бойынша құзыретті органда діни бірлестік ретінде тіркеуден өтпеген бұл ұйымның ендігі қызметі ел аумағында заңсыз болып табылады.



Негізінен «Таблиғи жамағат» ұйымының ерушілері радикалдық идеологиядан аса ерекшеленбейтін сенімді ұстанады. Дінге бет бұруды ойлағандардың басым көпшілігінің радикалдануының алғашқы қадамы «Таблиғи жамағат» қатарына қосылудан басталған. Француздық басшылардың бағалауынша, ислам атын жамылған экстремистердің 80 пайызы осы ұйымның қатарынан шыққан екен.

Бүгінде бұл ұйымның негізгі орталықтары Үндістан, Пәкістан және Бангладеш елдерінде орналасқан. Алайда, ұйымның бағдарламалары мен нұсқаулары қозғалыс басшыларының шағын тобына ғана белгілі.

«Таблиғи жамағат» қозғалысы елі ішінде ресми тіркеулерден өтпей, кезінде жасырын түрде қызмет атқарып келген еді. Бүгінде олардың жұмысына заңмен тыйым салынып отыр. Сондықтан да қоғам «Таблиғи жамағатты» ел тыныштығына қауіп төндіретін радикалдық орта екендігін түсінуі керек.

Мемлекет басшысы Нұрсұлтан Назарбаев Қазақстан халқына арнаған Жолдауларының бірінде «Бүгінде біздің халқымыз үшін дәстүрлі емес жалған діни ағымдар мәселесі өткір тұр. Жастарымыздың бір бөлігі осы жат діни көзқарасты көзсіз қабылдайды, өйткені біздің қоғамның бір бөлігінің шеттен келген жалған діни әсерлерге иммунитеті әлсіз» деп атап өтіп, дәстүрлі емес секталар мен жалған діни ағымдардың қызметіне қатаң тосқауыл қою қажеттігін баса тасыған болатын.

Дін ғалымдары мен профессорларының айтуынша, дінді насихаттап, дағуат айту үшін кем дегенде жеті-сегіз жылдық арнаулы теологиялық білімі болуы қажет. Бұрынғы сахабалардың кезінде де ең білімді ғұламасының өзі «сеніп білмейтінім көп» деген. Ал өздерін «ангауатышлармыз» деп жүрген «Таблиғи жамағат» діни бірлестігі өкілдерінің бірқалыпты та білімдері жоқ. Тіпті, олардың арасында бұрын қылмыстық топтарда болғандары да кездеседі. Ал мұндай адамдарға ешқандай дін ғалымы дағуат айтуға, ақылды дінге шақыруға рұқсат етпейді.

Біздің қоғамымызда да «Таблиғи жамағат» ізбасарларының «дін тарату» мақсатында отбасын тастап кету фактілері орын ала бастады. Ал ислам діні мұсылманның өз отбасын бағын-қауға және жұбайына көңіл бөлуге жұмсаған уақытын ғибадаттың бір түрі деп үйретеді. Қазақстан Республикасының Конституциясы мен заңдары да азаматтардың отбасыларын бағын-қауған пәрыз деп белгілеген.

Тәуелсіздік алғалы бері Қазақстандағы ислам бағытын ұстанып, экстремистік әрі деструктивті қызметті жасап жатқан діни ағымдардың көбеюі бүгінде ерекше өзектілікке ие. Олардың түрлі ұстанымдары мен мақсаттары бүкіл мұсылман қауымында тиісті сұрақтар тудыруы заңды құбылыс.

Мысалы, Атырау облыстық «Иманғали» мешітінің ұстазы Салауат Мәжитов «Таблиғи жамағат» ұйымының облыста 2002 жылдан бастап қарқынды дами бастағанын айтады. Кейін өңірде сәләфилік бағытты ұстанушылардың пайда болуымен жамағат әлсіреген. Оны қолдаушылардың басым көпшілігі сәләфилік бағытқа түсті. Ұйым шетелден басқарылатын болғандықтан мемлекеттің қауіпсіздігі үшін 2013 жылдың 26 ақпаны күні Астана қаласы, Сарыарқа аудандық сотының шешімімен бұл жамағатқа Қазақстан Республикасының аумағында тыйым салынды. Мамандар сондай-ақ, «Таблиғи» жамағатын ұстанушылардың тереңдетіп ілім алуға тырыспайтындығын айтады.

С.ҚУАНЫШЕВ.

● ДІН – ДІНГЕК

БАБАЛАР ЖОЛЫН ҚҰРМЕТТЕЙІК

Қазақстан Республикасы Конституциясының 1 бабының 1-тармағында айтылып өткеніндей, ҚР өзін зайырлы, ашық, құқықтық мемлекет ретінде орнықтырады. “Зайырлы” ұғымсы мемлекеттің барлық салаларда, соның ішінде дін саласында да ашық, айқын саясат ұстанатынын, азаматтардың ар-ождан бостандығын қамтамасыз ететінін, дін мен мемлекеттің саясатты араластырмайтын билдіреді. Яғни, зайырлылық дінсіздік не дінді терістеушілік емес, ол мемлекеттің дін емес, құқықтық қағидаттармен басқарылуы. Зайырлы мемлекетте діннің өз орны бар. Дін мемлекеттен бөлінгенімен, халықтың болмысынан, тұрмыс-тіршілігінен бөліне алмайды. Мемлекет пен діннің арақатынасындағы жанды байланыстар зайырлы және рухани-дінді қалыптастырудың арақатынасы көңілге орындық. Адам мен қоғам өмірінде ерекше орын алатын дін рухани мәдениетін қалыптасу үдерісінде негізгі факторларды атқарады, мәдениет пен өркениеттің дамуына ықпал етеді. Аймақтағы дін саласының қызметкерлері көпшіліктің көңілінен шығу барысында уақытпен санаспай еңбек етіп келеді. Олардың айна кайғы мақсаттары да айқын. Тәуелсіздік алғаннан кейінгі еліміздегі Ислам дінінің дамуы түрлі жаңашыл басқарулардың өмірге келуіне ұйытқы болды. Әсіресе, өткен жыл түрлі жаңалықтарға толы болды.

Өткен жылдың ақпан айында Қазақстан мұсылмандары діни басқармасының ұйымдастыруымен тұңғыш рет республикалық имамдар форумы өткізіліп, онда жаңадағы төрт құжат қабылданды. “Қазақстан мұсылмандарының тұғырнамасы” мен “Мұсылманның тұлғалық бейнесі”, “Имамның тұлғалық келбеті” мен “ҚМДБ қызметкерлерінің этикасын” қабылдаған форум дін саласының қызметкерлеріне күрделі міндеттерді жүктеді. Ең бастысы, форумда талқыланып жүргендігінен назатталуды мен көпшілікке жеткізілуі барысында түрлі шаралар іске асырылды. Мәселен, “Қазақстан мұсылмандарының тұғырнамасы” бойынша қала және аудан имамдарын оқыту семинарлары өткізілсе, дін тану пәнінің мұғалімдері мен медицина саласының мамандарына арнайы түсіндірілді. Өткен жылғы атаулы күндерге арналған шаралардың барлығы “Дін мен дәстүр” бағытын дәріптеуге арналды десе болады. Ұлы Жәніштің 70 жылдығы, өз-Наурыз мерекесі, Басаларды қорғау күні секілді мейрамдарда ұлттық салт-дәстүрге негізделген ис-шараларда, спорттық ойындарда, қайырымдылық шаралары мен дәстүрлі өнерге басымдық берілді. Айлардың сұлтаны болған Рамазан айына ұйымдастырылған “Қош келдің, Рамазан” атты шығармалар байқауының үздік мақалалары марапатталып, өңірдегі діни бағыттағы ис-шараларды белсенді ақпараттандырушыларға мейіт тарапынан арнайы сыйақы ұсынылды.

Тағы бір айтарлық, Сыр елінен 44 шәкірт ҚМДБ-ға қарасты университет пен медреселерде білімдері жетілдірілді. “Нұр-Мұбарак” университетінде 15 тәлімгер болса, олардың 6-ы бітірді, 10 шәкірт жұмыспен қамтылса, үшеуі магистратурада білімдерін жалғастыруда. Сонымен қатар, Мысыр еліндегі “Әл-Әзһар” университетінің “Дін негіздері” факультетінің екі студенті арнайы шақырылып, мейіт жамағаттарына түрлі тақырыптар төңірегінде дәріс берді.

Облыстың бас имамы Талғат Сейітқарымұлының 1 бабының 1-тармағында айтылып өткеніндей, ҚР өзін зайырлы, ашық, құқықтық мемлекет ретінде орнықтырады. “Зайырлы” ұғымсы мемлекеттің барлық салаларда, соның ішінде дін саласында да ашық, айқын саясат ұстанатынын, азаматтардың ар-ождан бостандығын қамтамасыз ететінін, дін мен мемлекеттің саясатты араластырмайтын билдіреді. Яғни, зайырлылық дінсіздік не дінді терістеушілік емес, ол мемлекеттің дін емес, құқықтық қағидаттармен басқарылуы. Зайырлы мемлекетте діннің өз орны бар. Дін мемлекеттен бөлінгенімен, халықтың болмысынан, тұрмыс-тіршілігінен бөліне алмайды. Мемлекет пен діннің арақатынасындағы жанды байланыстар зайырлы және рухани-дінді қалыптастырудың арақатынасы көңілге орындық. Адам мен қоғам өмірінде ерекше орын алатын дін рухани мәдениетін қалыптасу үдерісінде негізгі факторларды атқарады, мәдениет пен өркениеттің дамуына ықпал етеді. Аймақтағы дін саласының қызметкерлері көпшіліктің көңілінен шығу барысында уақытпен санаспай еңбек етіп келеді. Олардың айна кайғы мақсаттары да айқын. Тәуелсіздік алғаннан кейінгі еліміздегі Ислам дінінің дамуы түрлі жаңашыл басқарулардың өмірге келуіне ұйытқы болды. Әсіресе, өткен жыл түрлі жаңалықтарға толы болды.

Өткен жылдың ақпан айында Қазақстан мұсылмандары діни басқармасының ұйымдастыруымен тұңғыш рет республикалық имамдар форумы өткізіліп, онда жаңадағы төрт құжат қабылданды. “Қазақстан мұсылмандарының тұғырнамасы” мен “Мұсылманның тұлғалық бейнесі”, “Имамның тұлғалық келбеті” мен “ҚМДБ қызметкерлерінің этикасын” қабылдаған форум дін саласының қызметкерлеріне күрделі міндеттерді жүктеді. Ең бастысы, форумда талқыланып жүргендігінен назатталуды мен көпшілікке жеткізілуі барысында түрлі шаралар іске асырылды. Мәселен, “Қазақстан мұсылмандарының тұғырнамасы” бойынша қала және аудан имамдарын оқыту семинарлары өткізілсе, дін тану пәнінің мұғалімдері мен медицина саласының мамандарына арнайы түсіндірілді. Өткен жылғы атаулы күндерге арналған шаралардың барлығы “Дін мен дәстүр” бағытын дәріптеуге арналды десе болады. Ұлы Жәніштің 70 жылдығы, өз-Наурыз мерекесі, Басаларды қорғау күні секілді мейрамдарда ұлттық салт-дәстүрге негізделген ис-шараларда, спорттық ойындарда, қайырымдылық шаралары мен дәстүрлі өнерге басымдық берілді. Айлардың сұлтаны болған Рамазан айына ұйымдастырылған “Қош келдің, Рамазан” атты шығармалар байқауының үздік мақалалары марапатталып, өңірдегі діни бағыттағы ис-шараларды белсенді ақпараттандырушыларға мейіт тарапынан арнайы сыйақы ұсынылды.

Тағы бір айтарлық, Сыр елінен 44 шәкірт ҚМДБ-ға қарасты университет пен медреселерде білімдері жетілдірілді. “Нұр-Мұбарак” университетінде 15 тәлімгер болса, олардың 6-ы бітірді, 10 шәкірт жұмыспен қамтылса, үшеуі магистратурада білімдерін жалғастыруда. Сонымен қатар, Мысыр еліндегі “Әл-Әзһар” университетінің “Дін негіздері” факультетінің екі студенті арнайы шақырылып, мейіт жамағаттарына түрлі тақырыптар төңірегінде дәріс берді.

Ж.БАЛАБАЙҚЫЗЫ.

Тылым беті

Соңғы уақытта ғалымдарды, тіпті қарапайым адамдарды да тылсымның құпиялары қызықтырып жүргені шындық. Бұл тұрғыда діни ұғым және ғалымдардың өзінше топшылаулары қалыптасқан. Бірақ о дүние мен бұ дүниенің арасын жол қылып, барып қайтқан ешкім жоқ. Сондықтан бұл ретте нақты кесіп-пішу қиын. Дегенмен, соңғы уақытта клиникалық өлімді бастан өткізгендер басқа бір тылсым әлемге тап болғандарын айтып жүр.

ТІРШІЛІКТЕ БІЗ БІЛМЕЙТІН ТАЛАЙ СЫР БАР

Бұл тақырыптың қыр-сырына үйіліп, түрлі зерттеулер жасауда әсіресе шетелдік ғалымдар белсенді. Бірде Пима Ван Ломмель бастаған голландиялық ғалымдар ес-түссіз жатқан адамды ауруханаға жеткізеді. Оның жағдайын оналту үшін олар қолдан келген көмекті көрсетеді. Бірақ нәтиже болмай, арнайы түтікше арқылы демалдырған. Ал аузындағы протезі оған кедергі келтіргендіктен алып тастапты. Арада бір апта өткенде сырқат есін жияды. Ақ халаттылар болса, емделушінің жасанды тісін қайда қойғандарын естен шығарып алады. Бір таңғаларлығы емделуші оның қайда екендігін деп басып айтып беріпті. Оған қоса ол команда жатқан уақытта айналасындағыларға өзінің тірі екендігін айтқисы келген екен. Осы оқиғаны негізге алған ғалымдар енді ми мен дене жанысызданған кезде де адамның тірі болатынын айтып отыр.

Бұл шетелдік ғалымдардың көз алдында болған оқиға негізінде жасаған тұжырымы. Сондықтан да сіз бен бізге сенімсіздеу көрінуі де мүмкін. Алайда бір әріптесімізін басынан өткізген мына бір оқиғасы мені еріксіз таңқалдырғаны шындық. Оның есімі – Онғар. Ол сол тұстағы облыс әкімдігі өкілдерімен бірге Сырдың ағысын бақылап, дариядан төнген қауіптің алдын алу мақсатында барлауға шыққан тікұшақ ішінде болған. 2008 жылы ақпанның 28-і күні бір топ мамандар, БАҚ өкілдері дария бойын бақылау мақсатында тікұшақпен жолға шыққан. Алайда олар


Жалағаш ауданы тұсына барып апатқа ұшырап, қаншама арыстай азаматтар қыршынан қиылды. Ал аман қалғандардың көпшілігі ауыр жараланғандықтан олардың болашағы туралы ешкім кесіп ешнәрсе айта алмады. Соның ішінде әкімдіктің телеоператоры Онғар да бар еді. Бірнеше ауыр жаракат алып есінен танып қалған ол ауыр халде ауруханада жатты. Алайда көптің тілегі болар, аман қалды. Кейіннен әріптесімді әңгімеге тарттым. Тікұшақ құларда ең әуелі аман қалуды емес, жұмысын ойлаған ол қымбат фотоаппаратын сақтап қалуды көздеп, сөмкесіне салып үлгеріпті.

– Апат болатын сәтте біз тым биікте қалықтап тұрмыз деген ойыма да кіріп шықпады. Құлағаннан кейін,

бір аунап тұрып кете береміз деп ойладым. Сөйтіп, есімді ауруханада бір-ақ жидым. Өз-өзіме келмес бұрын түс деп айтуға келмес, тылмыс бірнәрсеге тап болғандай болдым. Ауада қалықтап тұр екенмін. Керуette жатқан өзімді және қасымда жылап, тілеуімді тілеп отырған анамды көрдім. Екі жағымда маған беймәлім бір бейне тұрды. Бірақ өзімді жеңіл, керемет сезінгендіктен қайтқым келмеді. Дегенмен, көретін жарығым бар шығар, содан соң ояндым, есімді жидым, – дейді ол. Өзі әзілқой жігіт еді. «Басымда төленіп бітпеген несием болған соң тірі қалдым» деп, құрдастарын күлкіге қарық қылатыны бар. Алайда оның басынан өткізгені еріксіз қайран қалдырары шындық.

Міне, қасымызда жүрген адамдардың бұндай жұмбаққа толы, бізге беймәлім оқиғаға тап болуы кез келген адамды түрлі ойға жетелері анық. Сондайдан түйген ойы болар, Қытай ойшылы Конфуций «Өмірдің не екенін білмей жатып, өлімді білу мүмкін бе?» деп ой тастаған екен. Голландиялық философ Бенедикт Спиноза болса, мәңгілік өмірге сенгендей: «Біз өзіміздің мәңгілік өлмейтінімізді сеземіз және білеміз» дейді. Ал қазақта «Өлім жайлы көп айтса, тірінің берекесі кетеді» деген сөз бар. Алайда Пайғамбарымыз Мұхамед хадистерінің бірінде: «Өлімді жиі еске алып, одан кейінгі болатын жағдайларға жаксырақ дайындалғандар – міне, солар ақылдылар!» деген екен.

М.БЫҒАЛИ.



Зерттеушінің айтуынша, қазірге дейін әлемде 260 геоглиф табылған екен. Олардың арасында темір дәуіріне және ғұн сармат кезеңіне тиесілі өрнектер де бар. Ал ең ежелгілері болып саналатын алып шаршы мен айқш осыдан 8 мың жыл бұрын пайда болған.

Ол Торғай мен Аралдағы тылсым өрнектердің ұқсастығын айтады. Олардың біркатарын зерттеу кезінде неорит дәуірі кезінде қолданылған көне бұйымдар табылған. “Бұл суреттердің Перудегі атакты Чанкильо өрнектерімен байланысы бар. Себебі екі жакта да геоглифтерді аңшылардың жан-жануарлардың маусымдық көшуін бақылауға қолданғаны белгілі болып отыр” – дейді зерттеуші. Сонымен бірге ол 14 мың жыл бұрын сол кездегі аңшылар Америкаға оңтүстік Сібір арқылы кеткенін назарға алады. Соған орай зерттеуші геоглиф дәстүрінің бір тармағы Торғай

даласымен тығыз байланысты деп санайды.

– Осыдан 7-8 мың жыл бұрын болған табиғат апатынан Торғай жазығын Аралдың тұзды суы басып қалған. Алып мұз көшкіні оларда өзінің ізін қалдырған, – деді зерттеуші.

Сонымен ғалымдар бұл өрнектер Арал теңізіндегі алып мұз көшкіні кезінде пайда болған деп есептейді. Десе де бұл болжамға келіспейтіндер де бар. Осы арада құрғаған теңіз табанындағы Керделі кесенесі табылған жерлерде соқамен жығандай, орлы ұзын арықтар болғанын еске сала кетейік. Қарапайым адамдар

бұны теңіз тартылған кезде жүзген кемелердің ізі деп ойлайтын еді. Алайда Арал мен Торғайдан табылған геоглифтер бұның жай ғана орлар емес екенін байқатады.

Бір қызығы, өрнектер ғарыштан ғана көрінеді. Биыл қостанайлық зерттеуші шетелдік ғалымдармен бірлесіп Торғайдағы тылсым өрнектерге экспедиция шығармақшы. Мүмкін сонда барып Арал теңізі табанындағы белгісіз геометриялық денелердің құпиясын біліп қалармыз.

Ж.ӘБШОВ.

ӨЛІП ТІРІЛГЕН

Адам сенгісіз мынадай оқиға АҚШ-та болыпты. 37 жастағы автомеханиктің жүрегі тоқтап қалып, ойда-жоқта ана дүниеге аттанған да кеткен. Содан 45 минут өткенде, әлгі автомеханигіңіз қайта тіріліп шыға келген. Бұл жайтқа менмін деген дәрігерлер аң-таң болып, бастарын шайқап отыр.

Тарқатып айтқанда, Огайо штатында тұратын Тони Йал есімді автомеханик ауруханаға ес-түссіз халде жеткізіледі. Соның алдында ғана әйелі Мелисса ұйықтап жатқан күйеуінің өзгеше дыбыс шығарғанын байқаған. Сөйткен де, оны оятпақ болып, түрткілеген. Бірақ, оята алмаған. Сонсоң жаңұшыра жедел жәрдем шақыртқан. Ақ халаттылар келе сала Йалды тексере бастағанда, оның жүрегі кенет тоқтап қалады. Бірақ дефибрилляторды қосып, бірнеше рет оны тірітіп алуға әрекет жасаған соң Тони қайтадан өмірге оралған. Ал клиникаға жеткізілгенісін механиктің жағдайы нашарлап кетеді. Дәрігерлер тағы да аппараттың көмегімен оны тірітіп алуға әрекет жасайды. Алайда, бұл жолы тіршілік белгісінен хабар келмеген. Ама! жоқ, дәрігерлер өлім дерегін тіркеп, қағаз толтырады. Сонымен, пациент өлді деп танылып, денені мейітханаға жіберуге дайындай бастайды. Соңынан марқұммен қоштасулары үшін палатаға оның жақындарын кіргізеді. Сол заматта механиктің ұлы Лоренс: «Пала, сен бүгін өлмейсің!» деп айқайлайды. Кенет ер кісі қозғалып, өзінің тірі екенінен хабар бере бастайды. Тонидің жүрегі осылай қайта соғып кетеді. Бұл оның өлген уақыты белгіленгеннен

кейін 45 минуттан соң орын алады. «Мен мұны ғажап нәрсе деп есептеймін. Себебі, мұндайды бұрын ешқашан кездестірген емеспін», - деп мойындайды кардиолог Раджа Назір. Оның айтуынша, 20 жылдық еңбек өтілінде өлген адамның бұлайша тіріліп кету фактісі болмапты. Сондай-ақ, дәрігерлер бұл ғажайыптың сырын аша алар емес.

МИДЫ МҰЗДА САҚТАСА...

Қазіргі таңда әлемнің мүйізі қарағайдай ғалымдары адам өмірін ұзартуды, сондай-ақ өлген адамдарды тірілудің технологиясын ойлап бас қатыруда. Білек сыбанып кірісіп жатқан мықтылардың ішінде АҚШ ғалымдары да бар.

Шетелдік БАҚ-тың жазуынша, олар 2045 жылға қарай бірегей технология құрастырып шығаруды жоспарлап отыр. Ол өлген адамды тірілтуге мүмкіндік беретін көрінеді. Айталық, Джоша Боканegra есімді зерттеуші Huma аталатын жана жоба жасап шығарған, оның негізі жасанды интеллекттен тұрады. Ғалымның пікірінше, жобаны жүзеге асыру үшін адам көз жұма салысымен миын мұздатып қол көрек, яғни криогендік қалықа әкелу керек деп санайды. «Сонан соң барып жасанды денеге мұздатылған миды салып, тірілтуге болады», – дейді ғалым. Сондай-ақ адамды тірілту үшін ми оны мұздатып және ерту кезінде зақымданбау керек екен.

Н.САУЯЕВ.

БЕТТИ ДАЙЫНДАҒАНДАР:



Мөлдір Қожахметова
e-mail: monti_22@mail.ru



Нағымжан Сауяев
e-mail: nagum_87@mail.ru

Библиялық патша Соломонның шексіз байлығы ғасырлар бойы таңғажайып аңыздарға арқау болды. Оның Үнді мұхитындағы теңіз айлағы мен бір ғана теңіз сапарының өзі 400 таланттан астам алтын әкелетін.Пальмира мен Баальбекте сауда қоймалары болды. Ал бұл қоймаларында алтын, күміс, піл сүйегі мен бірге зергерлік әшекейлер сақталатын.Оған сыйлыққа тек қана алтын мен күміс бұйымдар сыйлайтын. Патша алтынының басым көпшілігі Иерусалимдегі қабырғаларын алтынмен аптап салынған шіркеуде болатын. Соломонға бұл алтындар картадан табылмайтын, жұмбақ ел Офирден әкелінетін. Біздің заманымызда оны «Соломон патша найзасы» деп атайды.

СОЛОМОН ПАТША НАЙЗАСЫ

Библияда Офире жайында ешбір мағұмат жоқ. Ол ел ме, елде бай кен орны ма, гүлденген қала ма, Иерусалимнен қаншалықты қашықта және қай бағытта ол жағы да белгісіз. Шығыс Африкаға алғашқылардың бірі болып, XVI ғасырда келген португалдықтар алтынға бай Офирді іздеп, табуды аңсады. Олар Лимпопо өзенінің биігінде қираған ескі қаланың қалдығын ұшыратты. Бірақ, жергілікті мұсылмандар оны Ұлы Зимбабаның қалдығы екендігін айтты. Өте ертеде сол жерден алтын өндіріліп, бір бай патшаға әкелінетін. Португалдықтар Соломон патша найзасын таптық деп есептегенімін, ол жерден ешбір алтын ізі табылмады.

Көптеген уақыттар өткеннен кейін жүргізілген археологиялық зерттеулер нәтижесі, португалдықтар тапқан қираған қалдықтардың біздің дәуіріміздің 1130 жылдарына жататындығын, бұл қаланың Соломон патшалығынан 2130 жыл кейін пайда болғандығын анықтады. Сөйтіп, Ұлы Зимбабаға деген қызығушылық жойылып, ол Соломон патша найзасы деген тізімен сызылып тасталды.

Өзге португалдық, белгілі саяхатшы Васко да Гама, Африканың оңтүстік бөлігін айналып, Мозамбикке дейін жетті. Онда араб саудагерлерін кездестіріп, «алтын өндірілген Офирді туып бер» деп қинады. Қорыққан саудагерлер, өздері білетін, аздаған алтын саудасымен айналысатын ескі Софала теңіз айлағын көрсетті.

Саудагерлерді босатып, еліне оралған Васко да Гама корольге Соломон патша найзасын тапқандығын жеткізді. Бұл Софала теңіз айлағы еді. Осылайша, сол кезден бастап португалдар картасында «Соломон патша жері» деген жаңа атау пайда болды. Алайда Софаладан өндірілген алтынның (ол жерден ешқашан да алтын өндірілмеген) библия заманындағы Иерусалимге жеткізудің қандай қиямет екендігін ешкім де ойламады. Сонда Соломон патша одан жақын жерден алтын таба алмағаны ма? Араб жерінде ескі кен орындары бар, «алтын бесігі» деген түсінік беретін «Махд-адх-Дхахаб» қасиетті Медина жолы бойында. Мүмкін сонда болар?

1932 жылы Сауд Аравиясы королінің шақырумен осы




елге ағылшын инженер-геологы Карл Твйтчелл келіп, «алтын бесігі» аймағын зерттеумен айналысты. Ертеректе бұл жерде ерекше қазба жұмыстары болғандығын айғақтайтын, құммен толтырылған сандаған шұңқырлар мен үңгірлер ғалымды ерекше таңдандырды. Шын мәнінде бұл жерден не өндірілді? Оны айғақтау үшін кең көлемдегі қазба жұмыстарын жүргізу қажет болды. Оған өкімет рұқсат етпеді де одан әрі бұл жерге зерттеу жұмыстарын жүргізуге тыйым салынды.

Сауд аравиясының билігі тек, 1974 жылы ғана табылған заттардың алтын екендігін айғақтайтын зерттеу жүргізуге келісті. Бұл жолы американдық геологтар шақырылды. Осылайша, кең көлемде жүргізілген қазба жұмыстары бұл аймақта тарихи кезеңге дейінгі уақыттың өзінде маңызды металл өндірумен айналысқандығын дәлелдеді. Геологтар мыңдаған тастан қашалған құралдар, кенді шағуға арналған балғаларды да ұшыратты. Бұл құралдар қазылған шұңқырлар мен үңгірлердің бұдан үш мың жылдай бұрын болғандығын айғақтады. Олар шамамен бір тоннадай құмнан 20 граммдай алтын ажыратылғандығын айтты.

Геологтар сонымен бірге, Соломон уақытысында «алтын бесігі» арқылы көптеген керуен жолдары өткенін және оның бірінің Иерусалимге бет алғанын айтты.

Әуезхан ӘБДІРАШЕВ,
журналист-жазушы.



Мына он сегіз мың ғаламның барлық құпиясы ашылса, адамзат үшін еш қызық қалмайтыны анық. Әзірге ондай мүмкіндік жұмыр басты пенденің қолынан келмей отырғаны тағы айқын. Бұл фәниде ғасырға жуық өмір сүрген Бекет атаның мына әңгімесі әркімнің үрейін ұшырып, жүрегін шошытатыны анық.

Бажайлап қараса, өзінің сызған шеңберінің айналасының ақтандағы шығып жатыр. Ештегенің байыбына бара алмаған Бекет жолға шығады.

Түске таман үйіне түсі қашып жеткен бауырын көріп, апасы шошып кетеді. “Мына бала ауруға шалдыққан ғой!” деп төсек салып жатқызады да өзі молда шақыртады. Молда кітап ашып, дұға оқи бастайды. Бекет қанша жатқанын білмейді,

оянса түн ортасы ауыпты. Молданың айтуына қарағанда, ол көшпелі перінің көшіне тап болған екен. “Бисмиллаһи-р-рахман-ир рахим” деп шеңбер сызып жатқанының арқасында ғана перінің салқынынан аман қалыпты. Міне, Құран-кәрімнің құдіреті.

Жазып алған
Г.РЕЙМБЕРГЕН.

